


史記測議

百十二之七



漢書門類			
二	一	八	三
三	四	八	四
冊	架	函	號

內閣文庫			
二	二	三	漢
七	一	三	書
九	一	四	
函	架	冊	號

內閣文庫			
番號	漢	2134	
冊數	32(29)		
函號	279	36	



史記卷之一百十三

平津侯主父列傳第五十三

丞相公孫弘者齊菑川國薛縣人也

入齊也 宇季少時為薛獄吏有罪免家貧牧豕海

餘乃學春秋雜說養後母孝謹建元元年

賢良為博士使匈奴還報不合上意上怒以為不能

賢良為博士使匈奴還報不合上意上怒以為不能

平津侯主父列傳



弘乃病免。元光五年，有詔徵文學。菑川國復推上公孫弘，弘讓謝國人曰：臣已嘗西應命，以不能罷歸。願更選。遂國人固推弘，弘至太常，太常令所徵儒士各對策，百餘人。弘第居下，策奏，天子擢弘對為第一。召入見，狀貌甚麗，拜為博士。是時通西南夷道，置郡巴蜀，民苦之，詔使弘視之。還奏事，盛毀西南夷，無所用。上不聽。弘為人恢奇多聞，嘗稱以為人主病不廣，大人臣病不儉節。弘為布被，食不重肉。後母歿，服喪三年。每朝會議，開陳其端，令人主自擇，不肯面折庭爭。於是天子察其行敦厚，辯論有餘，習文法吏事，而

又緣飾以儒術。上大說之。

索隱曰：謂以儒術飾文法也。

緣飾，謂以儒術飾文法也。

也。二歲中，徐廣曰：一至左內史。弘奏事有不可不庭

辯之。嘗與主爵都尉汲黯請間，汲黯先發之。弘推其後。天子常說所言，皆聽。以此日益親貴。嘗與公卿約議，至上前，皆倍其約以順上旨。汲黯庭詰弘曰：齊人多詐，無情實。始與臣等建此議，今皆倍之，不忠。上問弘，弘謝曰：夫知臣者以臣為忠，不知臣者以臣為不忠。上然弘言。左右幸臣每毀弘，上益厚遇之。元朔

余有丁曰
弘亦非專
從諛者其
毀西南夷
沮卜式黜
寧成皆有
大臣之言
但重祿持
位畏忤上
旨故不能
不倍約阿
世耳

余有丁曰
實自美也
而言似遜
韓大夫教
武安不當
與姚其乎
卽此智
唐順之曰
許語意寔
非管而是
晏因以晏
自况

三年張歐免以弘爲御史大夫。是時通西南夷，東置
滄海，并築朔方之郡。弘數諫以爲罷，敝中國以奉無
用之也。願罷之。於是天子乃使朱買臣等難弘置朔
方之便。發十策，弘不得一。韋昭曰：以弘之才，非不能
得一也，以爲不可不敢逆
耳。弘廼謝曰：山東鄙人，不知其便若是。願罷西南夷，
滄海而專奉朔方。乎遠曰：平津此論亦得用
兵之要，所以寬中國力也。上乃許
之。汲黯曰：弘位在三公，奉祿甚多，然爲布被，此詐也。
上問弘，弘謝曰：有之。夫九卿與臣善者，無過黯。然今
日庭詰弘，誠中弘之病。夫以三公爲布被，誠飾詐欲

以釣名。且臣聞管仲相齊，有三婦，後擬於君。桓公以
霸，亦上僭於君。晏嬰相景公，食不重肉，妾不衣絲，齊
國亦治。此下比於民。索隱曰：比音
鼻，比者近也。今臣弘位爲御史
大夫而爲布被，自九卿以下至於小吏，無差。誠如汲
黯言，且無汲黯忠。陛下安得聞此言？天子以爲謙讓，
愈益厚之。卒以弘爲丞相，封平津侯。索隱曰：案漢書
曰：漢興皆以列
侯爲丞相，弘本無爵，乃詔封弘高成之平津鄉，弘爲
六百五十戶，爲平津侯。丞相封侯，自弘始也。弘爲
人意忌，外寬內深。諸嘗與弘有郤者，雖詳與善，陰報
其禍。殺主父偃，徙董仲舒於膠西，皆弘之力也。食一

肉脫粟之飯

索隱曰脫粟纔脫殼而已言不精鑿也

故人所善賓客仰

衣食弘奉祿皆以給之家無所餘士亦以此賢之淮

南衡山謀反治黨與方急弘病甚自以為無功而封

位至丞相宜佐明主填撫國家使人由臣子之道今

諸侯有叛逆之計此皆宰相奉職不稱恐竊病歿無

以塞責

索隱曰案人臣委質於君歿生乃上書曰先

自謝罪以免人主譴讓也曰臣聞天下之通道五所

以行之者三曰君臣父子兄弟夫婦長幼之序此五

者天下之通道也智仁勇此三者天下之通德所以

行之者也故曰力行近乎仁好問近乎智知恥近乎

勇知此三者則知所以自治知所以自治然後知所

以治人天下未有不能自治而能治人者也此百世

不易之道也今陛下躬行大孝鑒三王建周道兼文

武厲賢子祿

徐廣曰厲一作廣也

量能授官今臣弘罷駑之質

無汗馬之勞陛下過意擢臣弘卒伍之中封為列侯

致位三公臣弘行能不足以稱素有負薪之病恐先

狗馬填溝壑終無以報德塞責願歸侯印乞骸骨避

賢者路天子報曰古者賞有功褒有德守成尚文遭

遇右武。索隱曰小顏云右亦上也未有易此者也。朕宿昔庶幾獲

承尊位。懼不能寧。惟所與共。為治者。君宜知之。蓋君

子善。善惡。惡君宜知之。君若謹行。常在朕躬。君不幸

罹霜露之病。何恙不已。索隱曰恙憂也。以言罹霜露寒涼之疾。輕何憂於病不止。

迺上書。歸侯乞骸骨。是章朕之不德也。今事少間。君

其省思慮。一精神。輔以醫藥。因賜告牛酒雜帛。居數

月。病有瘳。視事。元狩二年。弘病。竟以丞相終。索隱曰案弘凡

為御史丞相六子度嗣。為平津侯。度為山陽太守。十

餘歲。坐法失侯。索隱曰漢書云坐不遣鉅野令史成詣公車論為城旦。元始中詔復弘後

為關內侯也

主父偃者。齊臨菑人也。學長短縱橫之術。晚乃學易

春秋百家言。子龍曰武帝好文學故偃習春秋諸書觀其行事則深於縱橫術也游齊

諸生間。莫能厚遇也。齊諸儒生相與排擯。不容於齊。

家貧。假貸無所得。乃北游燕趙中山。皆莫能厚遇。為

客甚困。孝武元光元年。中以為諸侯莫足游者。乃西

入關。見衛將軍。衛將軍數言上。上不召。資用乏。留久。

諸公賓客多厭之。乃上書闕下。朝奏。暮召入見。所言

九事。其八事為律令。一事諫伐匈奴。乎遠曰偃欲于主而進違時之

茅坤曰惜乎八事不及傳而伐匈奴一事

接長短縱橫說山陰國策益策秦張儀之謀趣彼為短歸此為長故戰國名短長策也

平津侯主父列傳

干載來絕

史記

卷一百三

五

言武帝善之此其辭曰臣聞明主不惡切諫以博觀

忠臣不敢避重誅以直諫是故事無遺策而功流萬

世今臣不敢隱忠避死以效愚計願陛下幸赦而少

察之司馬法曰國雖大好戰必亡天下雖平忘戰必

危天下既平天子大凱應劭曰大凱周禮還師振旅之樂春蒐秋獮

諸侯春振旅秋治兵所以不忘戰也宋均曰春秋少陽少陰氣弱未

全須人功而後用士庶法之教而後成宗仁本義天

且夫怒者逆德也兵者凶器也爭者末節也古之人

君一怒必伏尸流血故聖王重行之夫務戰勝窮武

事者未有不悔者也昔秦皇帝任戰勝之威蠶食天

下并吞戰國海內為一功齊三代務勝不休欲攻匈

奴李斯諫曰不可夫匈奴無城郭之居委積之守遷

徙鳥舉難得而制也輕兵深入糧食必絕踵糧以行

重不及事得其地不足以為利也遇其民不可役而

守也勝必殺之非民父母也靡敝中國快心匈奴非

長策也秦皇帝不聽遂使蒙恬將兵攻胡辟地千里

以河為境平遠曰李斯諫伐胡本傳不載非事寔地

固澤鹹鹵徐廣曰澤一作斥不生五穀然後發天下丁男以

平津侯上列傳

守北河。暴兵露師十有餘年。久者不可勝數。終不能踰河而北。是豈人衆不足。兵革不備哉。其勢不可也。

又使天下蜚芻輓粟。文穎曰。轉芻穀就戰是也。起於東。腫琅邪。負

海之郡。徐廣曰。腫在東萊音緹。轉輸北河。率三十鍾而致一石。

男子疾耕不足於糧饟。女子紡績不足於帷幕。百姓

靡敝。孤寡老弱不能相養。道路死者相望。蓋天下始

畔秦也。及至高皇帝定天下。略地於邊。聞匈奴聚於

代谷之外。而欲擊之。御史成進諫曰。乎遠曰。成進之諫與春申君同。

而其說不顯。僅見於此。不可。夫匈奴之性。獸聚而鳥散。從之如

搏影。今以陛下盛德攻匈奴。臣竊危之。高帝不聽。遂

北至於代谷。果有平城之圍。高皇帝蓋悔之甚。乃使

劉敬往結和親之約。然後天下忘干戈之事故。兵法

曰。興師十萬。日費千金。夫秦常積衆暴兵數十萬人。

雖有覆軍殺將。係虜單于之功。亦適足以結怨深讐。

不足以償天下之費。夫上虛府庫。下敝百姓。甘心於

外國。非完事也。夫匈奴難得而制。非一世也。行盜侵

驅。所以爲業也。天性固然。上及虞夏殷周。固弗程督。

禽獸畜之。不屬爲人。夫上不觀虞夏殷周之統。而下

修近世之失。此臣之所大憂。百姓之所疾苦也。且夫兵久則變生。事苦則慮易。乃使邊境之民靡敝愁苦。而有離心。將吏相疑而外市。張晏曰。與外國交求。利已。若章邯之比。尉佗章邯得以成其私也。夫秦政之所以不行者。權分乎二子。此得失之效也。故周書曰。安危在出令。存亡在所用。願陛下詳察之。少加意而熟慮焉。是時趙人徐樂齊人嚴安。俱上書言世務各一事。索隱曰。樂姓莊者。明帝諱後。並改姓嚴也。安及徐樂並拜郎中。樂後為中大夫。徐樂曰。臣聞天下之患在於土崩。不在於瓦解。古今一也。何謂土崩。秦

王蓋曰。太史公傳亦不必人人海者類本。以安徐樂昔足矣。蔡澤傳亦然。

之末世是也。陳涉無千乘之尊。尺土之地。身非王公大人。名族之後。無鄉曲之譽。非有孔墨曾子之賢。陶朱猗頓之富也。然起窮巷。奮棘矜。矜音勤。偏袒大呼。而天下從風。此其故何也。由民困而主不恤。下怨而上不知也。俗已亂而政不修。此三者陳涉之所以為資也。是之謂土崩。故曰。天下之患在於土崩。何謂瓦解。吳楚齊趙之兵是也。七國謀為大逆。號皆稱萬乘之君。帶甲數十萬。威足以嚴其境內。財足以勸其士民。然不能西攘尺寸之地。而身為禽於中原者。此其故



何也。非權輕於匹夫。而兵弱於陳涉也。當是之時。先帝之德澤未衰。而安土樂俗之民衆。故諸侯無境外之助。此之謂瓦解。故曰。天下之患不在瓦解。曰是觀之。天下誠有土崩之勢。雖布衣窮處之士。或首惡而危海內。陳涉是也。况三晉之君。或存乎。天下雖未有。大治也。誠能無土崩之勢。雖有疆國勁兵。不得旋踵而身爲禽矣。吳楚齊趙是也。况羣臣百姓能爲亂乎哉。此二體者。安危之明要也。賢主所留意而深察也。間者關東五穀不登。年歲未復。民多窮困。董之以邊境之事。推數循理而觀之。則民且有不。安其處者。自不安。故易動。易動者。土崩之勢也。故賢主獨觀萬物之原。明於安危之機。修之廟堂之上。而銷未形之患。其要期使天下無土崩之勢而已矣。故雖有疆國勁兵。陛下逐走獸。射蜚鳥。弘游燕之囿。淫縱恣之觀。極馳騁之樂。自若也。金石絲竹之聲。不絕於耳。帷帳之私。俳優侏儒之笑。不乏於前。而天下無宿憂。名何必湯武。俗何必成康。雖然。臣竊以爲陛下天然之聖。寬仁之資。而誠以天下爲務。則湯武之名不難侔。而成

康之俗可復興也。此二體者立，然後處尊安之實，揚名廣譽於當世，親天下而服四夷，餘恩遺德為數世隆。南面負辰攝袂而揖王公，此陛下之所服也。臣聞圖王不成，其敝足以安；安則陛下何求而不得，何為而不成，何征而不服乎哉？嚴安上書曰：臣聞周有天下，其治三百餘歲，成康其隆也，刑錯四十餘年而不用，及其衰也，亦三百餘歲，故五伯更起，五伯者常佐天子興利除害，誅暴禁邪，匡正海內，以尊天子。五伯既沒，賢聖莫續，天子孤弱，號令不行，諸侯恣行，疆陵

世慎中曰
武帝用
兵獨嚴安
一疏論事
有本末識
病當世有
味

弱，眾暴寡，田常篡齊，六卿分晉，竝為戰國，此民之始苦也。於是疆國務攻，弱國備守，合從連橫，馳車擊轂，介胄生蟣蝨，民無所告愬。及至秦王蠶食天下，并吞戰國，稱號曰皇帝，主海內之政，壞諸侯之城，銷其兵鑄以為鍾虡。索隱曰：虡音巨，鄒氏本作據，音同。示不復用，元元黎民得免於戰國，逢明天子，人人自以為更生，嚮使秦緩其刑罰，薄賦斂，省繇役，貴仁義，賤權利，上篤厚，下智巧。索隱曰：上猶尚也。變風易俗，化於海內，則世世必安矣。秦不行是風，而修其故俗，為智巧權利者進，篤厚忠信

者退法嚴政峻。諂諛者衆。日聞其美。意廣心狹。欲肆
 威海外。乃使蒙恬將兵以北攻胡。辟地進境。戍於北
 河。蜚芻輓粟以隨其後。又使尉佗屠睢索隱曰。屠睢
 人姓名。睢音
 雖將樓船之士。南攻百越。使監祿鑿渠運糧深入越

草昭曰。監御
 史名祿也。

越人遁逃。曠日持久。糧食絕乏。越人擊

之。秦兵大敗。秦乃使尉佗將卒以戍越。當是時。秦禍
 北構於胡。南挂於越。宿兵無用之地。進而不得。退行
 十餘年。丁男被甲。丁女轉輸。若不聊生。自經於道。樹
 歎者相望。及秦皇帝崩。天下大叛。陳勝吳廣與陳

曰。謂勝廣舉兵據陳。舉
 音如字。或音據。恐疎也。

武臣張耳舉趙。項梁舉吳。曰

儋舉齊。景騎舉郢。周市舉魏。韓廣舉燕。窮山通谷。豪
 士並起。不可勝載也。然皆非公侯之後。非長官之吏
 也。無尺寸之勢。起閭巷。杖棘矜。應時而皆動。不謀而
 俱起。不約而同。會壤長地。進張晏曰。壤
 進益也。至于霸王時
 教使然也。秦貴爲天子。富有天下。滅世絕祀者。窮兵
 之禍也。故周失之弱。秦失之彊。不變之患也。今欲招
 南夷。朝夜郎。降羌僰。略濊州索隱曰。濊州地名。卽古
 濊。陌國也。音紆。廢反。
 建城邑。深入匈奴。燔其龍城。議者美之。此人臣之利

楊慎曰。人
 臣之利非

天下之長策嚴安此論極盡事情宋富弼與契丹議意祖此然安之論本出韓非韓非備內篇曰苦民以富貴人起勢以藉人臣非天下長利也陳仁子曰嚴安上書與主父偃不同主父

也。非天下之長策也。今中國無狗吠之驚而外累於遠方之備。靡敝國家。非所以子民也。行無窮之欲。甘心快意。結怨於匈奴。非所以安邊也。禍結而不解。兵休而復起。近者愁苦。遠者驚駭。非所以持久也。今天下鍛甲砥劍。橋箭累弦。轉輸運糧。未見休時。此天下之所共憂也。夫兵久而變起。事煩而慮生。今外郡之地。或幾千里。列城數十。形束壤制。索隱曰。案謂地形及土壤皆束制在諸侯也。旁脅諸侯。非公室之利也。上觀齊晉之所以亡者。公室卑削。六卿大盛也。下觀秦之所以滅者。嚴法

而救之。安則探其本而救之。本正則未自正矣。

刻深。欲大無窮也。今郡守之權。非特六卿之重也。地幾千里。非特閭巷之資也。甲兵器械。非特棘矜之用也。乎遠曰。偃本意欲分削諸侯而先言郡守懲勗錯之事。少嘗之也。以遭萬世之變。則不可稱諱也。書奏天子。天子召見三人。謂曰。公等

皆安在。何相見之晚也。徐廣曰。佗史記本皆不見嚴安。此旁所纂者。取漢書耳。然漢書不宜乃容大異。或寫史記相承闕脫也。於是上乃拜主父偃。徐樂。嚴安為郎中。數見上。疏言事。詔拜偃為謁者。遷樂為中大夫。一歲中四遷。偃說上曰。古者諸侯不過百里。疆弱之形。易制。今諸侯或連城數十。地方千里。綏則

驕奢。易為淫亂。急則阻其疆而合從以逆京師。今以法割削之。則逆節萌起。前日鼂錯是也。今諸侯子弟或十數而適嗣代立。餘雖骨肉。無尺寸地。封則仁孝之道不宣。願陛下令諸侯得推恩分子弟以地。侯之彼人人喜得所願。上以德施實分其國。不削而稍弱矣。於是上從其計。徐廣曰。元朔二年始令諸侯王分封子弟也。又說上曰。茂陵初立。天下豪傑并兼之家。亂眾之民。皆可徙茂陵內實京師。外銷姦猾。此所謂不誅而害除。上又其計。字遠曰。自後西京作陵邑皆徙民實之。尊立衛皇后。及發燕王室。


國陰事。偃有功焉。大臣皆畏其口。賂遺累千金。人或說偃曰。太橫矣。主父曰。臣結髮游學四十餘年。身不得遂。親不以為子。昆弟不收。賓客棄我。我阨日久矣。且丈夫生不五鼎食。死即五鼎烹耳。吾日暮途遠。故倒行暴施之。索隱曰。按偃言。吾日暮途遠。恐赴前途。不跌。故須倒行而逆施。乃可及耳。今此本作暴。暴者言已困久得申。當須急暴行事。以快意也。偃盛言朔方地肥饒。外阻河蒙恬城之。以逐匈奴。內省轉輸戍漕。廣中國。滅胡之本也。上覽其說。下公卿議。皆言不便。公孫弘曰。秦時嘗發三十萬眾築井河。終不可就。已而奔之主

父偃盛言其便。上竟用主父計。立朔方郡。元朔二年。主父言齊王內淫佚行僞。上拜主父為齊相。至齊。遍召昆弟賓客散五百金子之。數之曰。始吾貧時。昆弟不我衣食。賓客不我內門。今吾相齊。諸君迎我。或千里。吾與諸君絕矣。母復入偃之門。乃使人以王與姊姦事動王。王以為終不得脫罪。恐效燕王論死。乃自殺。有司以聞。主父始為布衣時。嘗游燕趙。及其貴發燕事。趙王恐其為國患。欲上書言其陰事。為偃居中。不敢發。及為齊相。出關。即使人上書告言主父偃受

諸侯金。以故諸侯子弟多以得封者。平遠曰。分封諸侯奇計也。而有

受金之疑。故知進說之難也。及齊王自殺。上聞大怒。以為主父劫

其王。令自殺。乃徵下吏治。主父服受諸侯金。實不劫。王令自殺。上欲勿誅。是時公孫弘為御史大夫。乃言曰。齊王自殺無後。國除為郡。入漢。主父偃本首惡。陛下不誅主父偃。無以謝天下。乃遂族主父偃。主父方貴幸時。賓客以千數。及其族死。無一人收者。唯獨浹孔車收葬之。徐廣曰。孔車。浹人也。沛有浹縣。○索隱曰。浹。戶交反。天子後聞之。以為孔車長者也。



王維禎曰此太史公有感之言暗指李陵事也

太史公曰公孫弘行義雖修然亦遇時漢興八十餘年矣徐廣曰漢初至元朔二年八十年也上方鄉文學招俊又以廣儒墨弘為舉首主父偃當路諸公皆譽之及名敗身誅士爭言其惡悲夫

太皇太后詔大司徒大司空

徐廣曰此詔是平帝元始中王元后詔後

人寫此及班固所稱以續卷後○索隱曰按廣所云則又非褚先生所錄也蓋聞治國

之道富民為始富民之要在於節儉孝經曰安上治民莫善於禮禮與奢也寧儉昔者管仲相齊桓霸諸侯有九合一匡之功而仲尼謂之不知禮

其奢泰侈擬於君故也夏禹卑宮室惡衣菲食不循由此言之始之盛也德優矣莫高於禹俗民則尊卑之序得而骨肉之恩親爭訟之原息斯乃家給人足刑錯之本也歟可不務哉夫三公者百寮之率萬民之表也未有樹直表而得曲影者也孔子不云乎子率以正孰敢不正舉善而教不能則勸維漢興以來股肱宰臣身行儉約輕財重義較然著明未有若故丞相平津侯公孫弘者也位在丞相而為布被脫粟之飯不過一肉故人

所善賓客皆分奉祿以給之無有所餘誠內自克約而外從制汲黯詰之乃聞于朝此可謂減於制

度應劭曰禮貴有常尊衣服有常品而可施行者也德優則行否

則止與內奢泰而外為詭服以釣虛譽者殊科以

病乞骸骨孝武皇帝即制曰賞有功褒有德善善

惡惡君宜知之其省思慮存精神輔以醫藥賜告

治病牛酒襍帛居數月有瘳視事至元狩二年竟

以善終干相位夫知臣莫若君此其效也弘子度

嗣爵後為山陽太守坐法失侯夫表德章義所以

率俗厲化聖王之制不易之道也其賜弘後子孫

之次當為後者爵關內侯食邑三百戶徵詣公車

上名尚書朕親臨拜焉

班固稱曰公孫弘卜式兒寬皆以鴻漸之翼困於

燕雀李奇曰漸進也鴻一舉而進千里者羽翼之材也弘等皆以大材初為俗所薄若燕雀不

知鴻鵠之志也遠迹羊豕之間索隱曰索公孫牧豕卜式牧羊也非遇其

時焉能致此位乎是時漢興六十餘載海內久安

索隱曰又理也府庫充實而四夷未賓制度多闕上方欲

用文武求之如弗及始以蒲輪迎枚生索隱曰案謂枚乘也

漢始詔申公亦以蒲輪謂以蒲裝車輪恐傷艸木也○孚遠曰封泰山用蒲輪恐傷艸木也迎賢人用蒲輪欲令車安也索隱非是見主父而歎息羣臣慕嚮異人並

出卜式試於芻牧弘羊擢於賈豎衛青奮於奴僕日磔出於降虜斯亦曩時版築飯牛之朋矣漢之得人於茲為盛儒雅則公孫弘董仲舒兒寬篤行則石建石慶質直則汲黯卜式推賢則韓安國鄭當時定令則趙禹張湯文章則司馬遷相如滑稽則東方朔枚臯應對則嚴助朱買臣歷數則唐都落下閔協律則李延年運籌則桑弘羊奉使則張

騫蘇武將帥則衛青霍去病受遺則霍光金日磔其餘不可勝紀是以興造功業制度遺文後世莫及孝宣承統纂修洪業亦講論六藝招選茂異而蕭望之梁丘賀夏侯勝韋玄成嚴彭祖尹更始以儒術進劉向王褒以文章顯將相則張安世趙充國魏相邴吉于定國杜延年治民則黃霸王成龔遂鄭弘邵信臣韓延壽尹翁歸趙廣漢之屬皆有功迹見述於後累其名臣亦其次也

索隱述贊曰平津巨儒晚年始遇外示寬儉內懷嫉妬寵備榮爵身受肺腑主父推恩觀時設度生

食五鼎
非時蠹

[Faded bleed-through text from the reverse side of the page]

史記卷之一百一十三

華亭 徐孚遠 陳子龍

測議

南越尉佗列傳第五十三

南越王尉佗者

正義曰都廣州南海縣

真定人也

索隱曰尉官也佗名也姓

趙佗音徒河反又十三州記云大郡曰守小郡曰尉

○孚遠曰郡自有守有尉不以大小別置也然此南海止有尉者應姓趙氏秦時已并天下略定楊越

是尉攝守耳姓趙氏秦時已并天下略定楊越

曰楊州之南越也○正義曰夏置桂林南海象郡

禹九州本屬楊州故云楊越以謫徙民與越雜處十

按南越即今廣東西二省唐順之曰此與匈奴大宛西南夷四傳貫穿百餘年興亡如世

陸梁地以為南海鬱林象郡

秦本紀始皇三十三年略

以謫徙民與越雜處十

三歲徐廣曰秦并天下至二世元年十三年并天下八歲乃平越地至二世元年六年耳佗秦

時用為南海龍川令正義曰顏師古云龍川南海縣也即今之循州也裴氏廣州記

云本博羅縣之東鄉有龍穿地而出即允流東泉因以為號也至二世時南海尉任

囂病且歿徐廣曰爾時未言都尉也召龍川令趙佗語曰聞陳勝

等作亂秦為無道天下苦之項羽劉季陳勝吳廣等

州郡各共興軍聚眾虎爭天下中國擾亂未知所安

豪傑畔秦相立南海僻遠吾恐盜兵侵地至此吾欲

與兵絕新道索隱曰案蘇林云秦所通越道自備侍諸侯變會病甚

且番禺負山險阻南海東西數千里頗有中國人相

輔此亦一州之主也可以立國郡中長吏無足與言

者故召公告之即被佗書行南海尉事索隱曰服皮

使為南海尉囂歿佗即移檄告橫浦陽山湟谿關曰索隱曰案

南康記云南野大庾嶺三十里至橫浦有秦時關其

下謂為塞上姚氏案地理志云桂陽有陽山縣今此

縣上流百餘里有騎田嶺當是陽山關鄒氏劉氏本

湟並作湟音年結反漢書作湟谿音皇又衛青傳云

出桂陽下湟水是而姚察云史記作滙今本有湟湟

及滙不同蓋山隨見輒改故也水經云舍滙縣南有

滙浦關未知孰是然鄒誕盜兵且至急絕道聚兵自

守因稍以法誅秦所置長吏以其黨為假守索隱曰

立其所黨為郡縣秦已破滅佗即擊并桂林象郡自

立為南越武王。

韋昭曰：生以武為號，不稽於古也。○平遠曰：項羽自稱霸王，黥布稱武王。

亦其意也。高帝已定天下，為中國勞苦，故釋佗弗誅。漢十

一年，遣陸賈因立佗為南越王，與剖符通使，和集百

越。毋為南邊患害，與長沙接境。高后時，有司請禁南

越關市鐵器。佗曰：高帝立我，通使物，今高后聽讒臣

別異蠻夷，隔絕器物。平遠曰：海夷仰給中國者，市物至今猶然。此必長沙

王計也。欲倚中國擊滅南越而并王之，自為功也。於

是佗乃自尊號為南越武帝，發兵攻長沙邊邑，敗

縣而去焉。高后遣將軍隆慮侯竈往擊之。索隱曰：案即昭云：隆慮侯，陽山嶺也。

周會暑溼，士卒大疫，兵不能踰嶺。索隱曰：案即陽山嶺也。歲

高后崩，即罷兵。佗因此以兵威邊，財物賂遺閩越。

馘駱役屬焉。漢書音義曰：略越也。○索隱曰：姚云：食其田，名為駱侯。諸縣自名為駱，將銅印青綬，即今

之令。後蜀王子將兵討駱侯，自稱為安陽王，治封溪縣。後南越王尉佗攻破安陽王，令二

使典主交趾九真二郡，即既駱也。東西萬餘里，廼

乘黃屋左纛稱制，與中國侔。及孝文帝元年初，鎮撫

天下，使告諸侯四夷，從代來即位，意喻盛德焉。乃為

佗親冢在真定，置守邑。歲時奉祀，召其從昆弟，尊官

厚賜寵之。詔丞相陳平等舉可使南越者，平言好時

錢福曰：此孝文得黃老之旨處

陸賈先帝時習使南越。迺召賈以為太中大夫。往使。因讓佗自立為帝。曾無一介之使報者。陸賈至南越。王甚恐。為書謝稱曰。蠻夷大長老夫臣佗。前日高后隔異南越。竊疑長沙王讒臣。又遙聞高后盡誅佗宗族。掘燒先人家。以故自弃。犯長沙邊境。且南方卑溼。蠻夷中間。其東閩越千人眾號稱王。其西瓺駱裸國亦稱王。索隱曰。裸音和。寡反。裸露形也。老臣妄竊帝號。聊以自娛。豈敢以聞天王哉。乃頓首謝。願長為藩臣。奉貢職。於是乃下令國中曰。吾聞兩雄不俱立。兩賢不並世。皇帝賢天子也。自今以後。去帝制黃屋左纛。陸賈還報。孝文帝大說。遂至孝景時。稱臣。使入朝請。然南越其居國竊如故號名。其使天子。稱王朝命。如諸侯。至建元四年卒。佗孫胡為南越王。徐廣曰。皇甫謐曰。越王趙佗以建元四年卒。爾時漢

凌約言曰。叙武帝討南越筆力萬鈞而越內后王亂臣之變能討越樓船伏波之將略委曲。折纖悉殆。

安兵未踰嶺。閩越王弟餘善殺郢以降。於是罷兵。天

子使莊助往諭意。南越王胡頓首曰：天子乃為臣興兵討閩越，死無以報德。遣太子嬰齊入宿衛，謂助曰：國新被寇，使者行矣。胡方日夜裝入見天子，助去後，其大臣諫胡曰：漢興兵誅郢，亦行以驚動南越。且先王昔言事天子，期無失禮。要之不可以說好語入見。索隱曰：漢書悅作怵。韋昭云：誘怵，好語。入見則不得復歸。亡國之勢也。於是胡稱病，竟不入見。後十餘歲，胡實病甚。太子嬰齊請婦胡薨，謚為文王。嬰齊代立即藏其先武帝。其索隱曰：李邵云：薨，其僭號之壘也。嬰齊其入宿衛在長安時，取邯鄲

繆氏女生子興。徐廣曰：一作興。○索隱曰：繆音紀，亂反。繆姓出邯鄲。及即位，上書請立繆氏女為后，興為嗣。漢數使使者風諭嬰齊，嬰齊尚樂擅殺生自恣，懼入見。要用漢法，比內諸侯，固稱病，遂不入見。遣子次公入宿衛。嬰齊薨，謚為明王。太子興代立，其母為太后。太后自未為嬰齊姬時，嘗與霸陵人安國少季通。索隱曰：安國姓也。少季名也。及嬰齊薨後，元鼎四年，漢使安國少季往諭王。王太后以入朝，比內諸侯。令辯士諫大夫終軍等宣其辭，勇士魏臣等輔其缺。徐廣曰：一作決。衛尉路博德將兵屯桂陽待使者。

王年少。太后中國人也。嘗與安國少季通。其使復私
 焉。國人頗知之。多不附太后。太后恐亂起。亦欲倚漢
 威。數勸王及羣臣求內屬。即因使者上書請比內諸
 侯。三歲一朝。除邊關。於是天子許之。賜其丞相呂嘉
 銀印。及內史中尉太傅印。餘得自置。除其故黥劓刑。
 用漢法。比內諸侯。使者皆留填撫之。王王太后飭治
 行裝。重齋為入朝具。其相呂嘉年長矣。相三王宗族
 官仕為長吏者七十餘人。男盡尚王女。女盡嫁王子。
 兄弟宗室及蒼梧秦王有連。索隱曰。案蒼梧秦王。即
 下趙光是也。有連者連

姻也。趙與秦同姓。故稱秦王。其居國中甚重。越人信之多為耳目

者。得衆心。愈於王。王之上書。數諫止王。王弗聽。有畔
 心。數稱病不見漢使者。使者皆注意嘉。勢未能誅。王

王太后亦恐嘉等先事發。乃置酒介漢使者權。索隱
 曰。志

林云。介者因也。欲因
 使者權誅呂嘉也。謀誅嘉等。使者皆東鄉。太后南

鄉。王北鄉。相嘉大臣皆西鄉。侍坐飲。嘉弟為將。將卒

居官外。酒行。太后謂嘉曰。南越內屬國之利也。而相

君若不便者。何也。以激怒使者。使者狐疑相杖。遂莫

敢發。嘉見耳目非是。即起而出。太后怒。欲縱嘉以矛。

教英曰。敘
 宴飲位次
 甚悉如目
 擊然

史記 卷一百三 南越尉佗列傳

王慎中曰
王止太后
是當斷不
斷也

韋昭曰。縱撞也。○索隱曰。吳王止太后。嘉遂出。分其弟兵。就舍。索隱曰。索謂分取其兵也。漢書作介介被也。恃也。稱病不肯見王及使者。乃陰與大臣作亂。王素無意誅嘉。嘉知之。以故數月不發。太后有淫行。國人不附。欲獨誅嘉等。力又不能。天子聞嘉不聽。王太后弱孤。不能制。使者怯無決。又以為王太后已附漢。獨呂嘉為亂。不足以興兵。欲使莊參以二千人往使。參曰。以好往。數人足矣。以武往。二千人無足以為也。辭不可。天子罷參也。子龍曰。越雖有釁。可乘。然口語既洩。郊壯士。徐去漢。又遠往。必有變。參可謂知兵矣。

屬穎川音古治反故濟北相韓千秋奮曰。以區區之越。又有

王太后應。獨相呂嘉為害。願得勇士二百人。必斬嘉以報。於是天子遣千秋與王太后弟膠樂將二千人往。徐廣曰。千秋為校尉。入越境。呂嘉等乃遂反。下令國中曰。王

年少。太后中國人也。又與使者亂。專欲內屬。盡持先王寶器入獻天子。以自媚。多從人行。至長安。虜賣以為僮僕。取自脫一時之利。無顧趙氏社稷為萬世慮計之意。乃與其弟將卒攻殺王太后。及漢使者。遣人告蒼梧秦王及其諸郡縣。立明王長男越妻子術陽

楊慎曰。越妻乃越女

非漢也而徐注若以越為人各何也

史記

卷一百三

七

侯建德為王

徐廣曰元鼎四年以南越王兄越封高昌侯

而韓千秋兵入

破數小邑其後越直開道給食未至番禺四十里越

以兵擊千秋等遂滅之使人函封漢使者節置塞上

索隱曰案南康記以好為謾辭謝罪發兵守要害處為大庾嶺名塞上也

於是天子曰韓千秋雖無成功亦軍鋒之冠封其子

延年為成安侯

索隱曰案功臣表成安屬郡

修樂其姊為王太后

首願屬漢封其子廣德為龍亢侯

索隱曰案龍亢屬譙國

乃下

赦曰天子微諸侯力政譏臣不討賊今呂嘉建德等

反自立晏如令罪人及江淮以南樓船十萬師應劭曰時

欲擊越非水不至故作大船船上施樓故號曰樓船也

往討之元鼎五年秋衛

尉路博德為伏波將軍出桂陽下滙水

索隱曰劉氏云滙當作滙

漢書云下滙水也

主爵都尉楊僕為樓船將軍出豫章下橫

浦故歸義越侯二人

張晏曰故越人降為侯

為戈船下厲將軍

徐廣曰厲一作瀨駟案張晏曰越人於水中負人船又有蛟龍之害故置戈於船下因以為名也應劭曰

瀨水流涉上也

出零陵或下離水

正義曰地理志云零陵縣有離水東至廣信入鬱林

九百八十里

或抵蒼梧使馳義侯

徐廣曰越人也名遺

因巴蜀罪人

發夜郎兵

正義曰曲州協州以南是夜郎國

下牂牁江

正義曰江出南徼外東通

四會至番禺入海也

咸會番禺元鼎六年冬樓船將軍將精卒

主鑿曰咸會番禺此

史記

卷一百三

南越尉陀列傳

八

少 一句不可

史記

卷一百三

先陷尋陝破石門

索隱曰姚氏云尋陝在始興西三百里近連口也廣州記石門在番禺縣北二十里昔呂嘉拒

漢積石於江各日石門

得越船粟因推而前挫越

鋒。季遠曰越船大於中國故既

以其船因推之以挫越鋒

波將軍將罪人道遠會期後與樓船會乃有千餘人

逐俱進樓船居前至番禺建德嘉皆城守樓船自擇

便處居東南面伏波居西北面會暮樓船攻敗越人

縱火燒城越素聞伏波名日暮不知其兵多少伏波

乃為營遣使者招降者賜印復縱令相招樓船力攻

燒敵反驅而入伏波營中犁且城中皆降伏波

氏云犁一作止又解犁黑也天未明而尚黑也

呂嘉建德已夜與其屬數百

人亡入海以船西去伏波又因問所得降者貴人以

知呂嘉所之遣人追之以其故校尉司馬蘇弘得建

德封為海常侯

徐廣曰在東萊越郎徐廣曰南都稽徐廣曰

都得嘉封為臨蔡侯

索隱曰案表屬河內

蒼梧王趙光者越王同姓聞漢兵至及越揭陽令定

索隱曰地理志揭陽縣屬南海定者令之名也

自定屬漢越桂林監居翁

音義曰桂林郡中

諭歐駱屬漢

索隱曰案漢書歐駱三十餘萬口降漢

皆得為侯戈船下厲將軍兵及馳義侯所發夜郎兵

何孟春曰自定者趙光由定而來屬也故俱得封

史記

卷一百三

南越尉陀列傳

九

未下。南越已平矣。遂為九郡。徐廣曰：儋耳、珠崖、南海、蒼梧、九真、鬱林、日南、合

浦交。伏波將軍益封樓船將軍。兵以陷堅為將。梁侯

自尉佗初王。後五世。九十三歲而國亡焉。

太史公曰：尉佗之王。本由任囂。遭漢初定。列為諸侯。

隆慮離溼疫。佗得以益驕。甌駱相攻。南越動搖。漢兵

臨境。嬰齊入朝。其後亡國。徵自嫪女。呂嘉小忠。令佗

無後。樓船從欲。怠傲失惑。伏波困窮。智慮愈殫。因禍

為福。成敗之轉。譬若糾墨。

索隱述贊曰：中原鹿走。羣雄莫制。漢事西馳。越惟南裔。陸賈騁謀。尉佗去帝。嫪后內朝。呂嘉狼戾。君

臣不協。卒從剿絕。

坤曰：獨此小論。用韻語。甚奇。與他篇不體。似后人體。

史記卷之一百十三 終

史記

卷一百十三

南越尉佗列傳

十

史記卷之一百十四

徐乎遠

華亭

陳子龍

測議

東越列傳第五十四

閩越王無諸韋昭曰閩音武中反東越之別名○索隱云案說文云閩東越蛇種也故字從

虫閩聲及越東海王搖者其先皆越王句踐之後也

姓騶氏徐廣曰騶一作駮○索隱曰徐廣說秦已并

天下皆廢為君長以其地為閩中郡徐廣曰今建安侯官是及

諸侯畔秦無諸搖率越歸鄱陽令吳芮所謂鄱君者

按閩越即今閩地東越即今永嘉地

也。從諸侯滅秦，當是之時，項籍主命弗王。漢書音義曰：主，號令。

諸侯不王，無諸搖等。以故不附楚。漢擊項籍，無諸搖率越人佐

漢。漢五年，復立無諸為閩越王，王閩中故地。都東冶

舂。惠三年，舉高帝時越功，曰閩君搖功多，其民便附

乃立搖為東海王。應劭曰：在吳郡。都東甌。徐廣曰：今

○索隱曰：姚氏云：甌水名，永嘉記水出寧山，行三十餘里，去郡城五里，入江。昔有東甌王都城，有亭積石

為道，今猶在也。世俗號為東甌王。後數世至孝景三年，吳王

濞反，欲從閩越。閩越未肯行，獨東甌從。吳及吳破，東

甌受漢購，殺吳王丹徒，以故皆得不誅。歸國。吳王子

子駒亡走閩越，怨東甌殺其父，常勸閩越擊東甌。至

建元三年，閩越發兵圍東甌。東甌食盡，困且降，乃使

人告急天子。天子問太尉田蚡，蚡對曰：越人相攻擊，

固其常。又數反覆，不足以煩中國往救也。自秦時弃

弗屬，於是中大夫莊助詰蚡曰：特患力弗能救，德弗

能覆，誠能何故弃之？且秦舉咸陽而弃之，何乃越也？

今小國以窮困來告急天子，天子弗振，當安所告愬？

又何以子萬國乎？上曰：太尉未足與計。吾初即位，不

欲出虎符發兵郡國，乃遣莊助以節發兵會稽。會稽

太守欲距不為發兵助乃斬一司馬諭意指遂發兵
 浮海救東甌未至閩越引兵而去東甌請舉國徙中
 國乃悉舉眾來處江淮之間徐廣曰年表云東甌王
 廣武侯望率其眾四萬
 餘人來降家廬江郡至建元六年閩越擊南越南越守天子約
 不敢擅發兵擊而以聞上遣大行王恢出豫章大農
 韓安國出會稽皆為將軍兵未踰嶺閩越王郢發兵
 距險其弟餘善乃與相宗族謀曰王以擅發兵擊南
 越不請故天子兵來誅今漢兵眾彊今即幸勝之後
 來益多終滅國而止今殺王以謝天子天子聽罷兵

接師古
 云漢地
 廣大兵
 聚盛強

今雖勝
 之後必
 更來也

固一國完不聽乃力戰不勝即亡入海音曰
 殺王使使奉其頭致大行大行曰所為來者誅王
 王頭至謝罪不戰而耘徐廣曰漢書作殞殞音
 音但字有假借聲有輕重
 利莫大焉乃以便宜案兵告大農軍而使使奉王
 馳報天子詔罷兩將兵曰郢等首惡獨無諸孫繇
 丑不與謀焉索隱曰繇音搖繇
 者邑號丑名也乃使郎中將立丑為
 越繇王奉閩越先祭祀字遠曰是時不立餘善而更
 立丑者欲其內相圖因亂而
 取之也餘善已殺郢威行於國國民多屬竊自立為王
 繇王不能矯其眾持正天子聞之為餘善不足復興

按顏師古云解者曰解說若今言分疏是也

師曰餘善數與郢謀亂而後首誅郢師得不勞因立餘善為東越王與繇王並處至元鼎五年南越反東越王餘善上書請以卒八千人從樓船將軍擊呂嘉等兵至揭揚以海風波為解不行持兩端陰使南越及漢破番禺不至是時樓船將軍楊僕使使上書願便引兵擊東越上曰士卒勞倦不許罷兵令諸校屯豫章梅嶺待命徐廣曰在會稽界○索隱曰徐廣非也案今豫章三十里有梅嶺在侯官山當古驛道此文云豫章梅嶺知非會稽也元鼎六年秋餘善聞樓船請誅之漢兵臨境且往乃遂反發兵距漢道號將軍騶

力等為吞漢將軍入白沙武林

索隱曰案今豫章北二百里接鄱陽界地名白沙有武

陽亭亭東南三十里地名武林此白沙武林今當劉越之京道梅嶺殺漢三校尉是時漢使大農張成故山州

侯齒

徐廣曰成陽共王子

將屯弗敢擊却就便處皆坐畏懦誅

餘善刻武帝繭自立詐其民為妄言天子遣橫海將

軍韓說出句章

索隱曰鄭氏句音鉤會稽縣也

浮海從東方往樓船

將軍楊僕出武林中尉王溫舒出梅嶺越侯為戈船

下瀨將軍出若邪白沙

正義曰越州有若邪山若邪溪若如一預州有白沙山

元封元年冬咸入東越東越素發兵距險使徇林將

軍守武林。敗樓船將軍數校尉殺長吏。樓船將軍率

錢唐轅絡古。正義曰：錢唐杭州縣，轅姓，絡古名。斬徇北將軍，為禦兒

侯。正義曰：禦字，今作語，語兒鄉，在蘇州嘉興縣南七十里，臨官道也。自兵未往，故越

衍侯吳陽在前漢。漢使歸諭餘善，餘善弗聽。及橫海

將軍先至，越衍侯吳陽以其邑七百人反攻越軍於

漢陽。從建成侯敖與其率從繇王居股謀曰。徐廣曰：故東越

臣餘善首惡，劫守吾屬。今漢兵至，眾彊計殺餘善。自

歸諸將儻幸得脫，乃遂俱殺餘善。以其眾降橫海將軍。故封繇王居股為東成侯。索隱曰：韋昭云：在九江。萬戶封繇

成侯敖為開陵侯。索隱曰：徐廣云：敖，東越臣。韋昭云：開陵屬臨淮。封越衍侯

吳陽為非石侯。封橫海將軍說為案道侯。封橫海校

尉福為繚嫫侯。漢書音義曰：音遼縈。福者成陽共王子，故為海

常侯。坐法失侯。舊從軍無功，以宗室故，侯諸將皆無

成功。莫封。東越將多軍。漢書音義曰：多軍名也。索隱曰：韋昭云：多姓軍名也。漢

兵至，弃其軍降。封為無錫侯。於是天子曰：東越狹多

阻，閩越悍數反覆。詔軍吏皆將其民徙處江淮間。東

越地遂虛。

大史公曰：越雖蠻夷，其先豈嘗有大功德於民哉？何

...

按：越古云功臣。表云：開陵侯建。成以故東越建。

成漸餘善侯一。千戶而此傳云。

名敖疑表誤。何孟春曰：成陽共王子一段斷而復續此例，敘法也。

茅坤曰：按漢詔徙東越及閩越之民於江淮，是時浙

以東南及福建益空。

地也
按此
亦用
語

其久也。歷數代常為君王。句踐一稱伯。然餘善至大
逆。滅國遷衆。其先苗裔。繇王居股等。猶尚封為萬戶
侯。由此知越世世為公侯矣。蓋禹之餘烈也。

索隱述贊曰。句踐之裔。是曰無諸。既席漢寵。寔因
秦餘。騶駘為姓。閩中是居。王搖之立。爰處東隅。後
嗣不道。自
相誅鋤。

史記卷之一百十四 終

史記卷之一百十五

華亭 徐孚遠
陳子龍

測議

朝鮮列傳第五十五

索隱曰。案朝音潮。直驕反。鮮音
仙。以有油水故若也。油一音訕。

朝鮮王滿者。

正義曰。潮仙二音。括地志云。高驪都平
襄城。本漢樂浪郡。王險城。又古云。朝鮮

地故燕人也。

索隱曰。案漢書。滿。燕人姓。
衛擊破朝鮮王。而自王之。自始全燕時。

嘗畧屬真番。

索隱曰。始全燕時。謂六國。燕方全盛之
時。嘗畧二國。以屬已也。應劭云。玄菟本

真番

朝鮮為置吏。築鄣塞。秦滅燕。屬遼東外徼。漢興

史記

卷一百十五 朝鮮列傳

一

為其遠難守復修遼東故塞至沮水為界。正義曰地理志云沮

水出遼東塞外西南至樂浪縣西入海沮普大反屬燕燕王盧縮反大匈奴

滿亡命。正義曰命謂教令聚黨千餘人。雖結蠻夷服而東

出塞渡沮水居秦故空地上下鄣。索隱曰案地理志樂浪有雲鄣稍

役屬真番朝鮮蠻夷及故燕齊亡命者王之都王險

索隱曰韋昭云古邑名應劭注地理志云遼東有險瀆縣朝鮮王舊都臣贊云險城在樂浪郡沮水之東

也。會孝惠高后時天下初定遼東太守即約滿為外

臣保塞外蠻夷無使盜邊諸蠻夷君長欲入見天子

勿得禁止以聞上許之以故滿得兵威財物侵降其

旁小邑真番臨屯皆來服屬。索隱曰東夷小國後以為郡方數千

里。正義曰括地志云朝鮮高驪貊東沃沮五國之地國東西千三百里南北二十里傳子至

孫右渠。正義曰其孫名也所誘漢亡人滋多。又未嘗入見真

番旁眾國欲上書見天子。文擁闕不通元封二年漢

使涉何誘諭右渠終不肯奉詔何去至界上臨沮水

使御刺殺送何者。索隱曰即送何之御也朝鮮裨王長。正義曰顏師古

云長者裨王名也送何至沮水何因刺殺也即渡馳入塞。正義曰入乎遂州榆林關也

歸報天子曰殺朝鮮將上為其名美即不詰。索隱曰有殺將

之美拜何為遼東東部都尉。正義曰地理志云遼東郡武次縣東部都尉所

史記 卷一百三十一 朝鮮列傳 二
也。朝鮮怨何。發兵襲攻殺何。天子募罪人擊朝鮮。其
秋。遣樓船將軍楊僕從齊浮渤海。兵五萬人。左將軍
荀彘出遼東討右渠。右渠發兵距險。左將軍卒正多
率遼東兵先縱。敗散多還走。坐法斬。樓船將軍將齊
兵七千人先至王險。右渠城守。窺知樓船軍少。即出
城擊樓船。樓船軍敗散。走將軍楊僕。失其衆。遁

十餘日。稍求收散卒復聚。左將軍擊朝鮮。沮水西軍
未能破。自前。天子爲兩將。未有利。乃使衛山因兵威
往諭右渠。右渠見使者頓首謝。願降。恐兩將詐。遣

今見信節。請服降。遣太子入謝獻馬三千匹及饋軍
糧。人衆萬餘。持兵方渡沮水。使者疑其爲
變。謂太子已服降。宜命人毋持兵。太子亦疑使者左
將軍詐殺之。遂不渡沮水。復引歸山。還報天子。天子
誅山。左將軍破沮水上軍。乃前至城下。圍其西北。樓
船亦往會。居城南。右渠遂堅守。城數月未能下。左將
軍素侍中幸。將燕代卒悍乘。多驕。樓船將齊卒
入海。固已多敗亡。其先與右渠。困辱亡卒。卒皆恐
將心。慚其圍右渠。常持和節。左渠。平急擊之。朝鮮大

按此敘
兩將軍
私心處
曲盡

史記

卷一百三十一

朝鮮列傳

三

臣乃陰間使人私約降樓船。往來臣尚未肯決。左將軍數與樓船期戰。樓船欲急就其約。不會左將軍。亦使人求間卻降。下朝鮮。朝鮮不肯心附樓船。以故兩將不相能。左將軍心意樓船。前有失軍罪。今與朝鮮私善。而又不降。疑其有反計。未敢發。天子曰。將率不能前。及使衛山諭降。右渠。右渠遣太子山使。不能刺決。與左將軍計相誤。卒沮約。今兩將圍城。又乖異。以故久不決。使濟南太守公孫遂往征之。有便宜得以從事。遂至。左將軍曰。朝鮮當下久矣。不下者有狀。言樓船數期不會。具以素所意告。遂曰。今如此。不取恐為大害。非獨樓船。又且與朝鮮共滅吾軍。遂亦以為然。而以節召樓船將軍入。左將軍營計事。即命左將軍麾下執捕樓船將軍。并其軍。以報天子。天子誅遂。左將軍已并兩軍。即急擊朝鮮。朝鮮相路人相韓陰尼谿。相參將軍王啖。漢書音義曰。凡五人也。戊狄不。知官紀。故皆稱相。啖音頰。○索隱曰。路人。漁陽縣人。如淳云。相。其國相。路人名也。相與謀曰。始欲降樓船。樓船今執獨左將軍。并將戰。益急。恐不能與戰。王又不肯降。陰啖路人皆亡降漢。路人道。元封三年夏。尼

坤曰與李晟及光沐橋之屯略相

肯降。陰啖路人皆亡降漢。路人道。元封三年夏。尼

谿相參乃使人殺朝鮮王右渠奉降王險城未下故

右渠之大臣成已又反復攻吏左將軍使右渠子長

徐廣曰表云長路音各漢書表云長路音各降相路人之子最

索隱曰最名路人之子也告諭其民誅成已以故遂定朝鮮為四郡

真番臨屯樂浪玄菟也封參為漣清侯

韋昭曰屬齊○索隱曰屬齊○顧氏漣音獲陰為菽菹侯

韋昭曰屬河東○索隱曰屬河東○菽音秋菹音子餘反暎為平州侯

韋昭曰屬梁父長為幾侯

左將軍徵至坐爭功相嫉乖計弃市樓船將軍亦

坐兵至列口當待左將軍擅先縱失亡多當誅贖為

庶人

索隱曰蘇林云列口縣名度海先得之太史公曰右渠負固國以絕祀涉何誣功為兵發首

樓船將狹

徐廣曰言其所將卒狹少及難離咎悔失番禺乃反見

疑荀彘爭勞與遂皆誅兩軍俱辱將率莫侯矣

索隱述贊曰衛滿燕人朝鮮是王王險置都路人

作相右渠首羌涉何調上兆禍自斯狐疑二將山

遂伏法紛紜無狀

史記卷之一百十五

朝鮮列傳

五

按師古云相路人前已降漢而歾于漢故謂之降相

余有丁曰接樓船前力攻番禺反驅降者入伏波營故此欲獨降之為已功也

史記

卷一百一十五

西南夷列傳

五

史記卷之一百一十五

錄

石渠之大臣成已又及復攻夷方將軍復有

書表云長路音各降和路人之可古路人之下

告錄無幾成已以故遂定朝錄各四

非林成聚前裝越可歸上張斷自祺

蘇林獲年榮與邊皆精兩軍其氣陳率莫封矣

對敵錄林也錄卒封少又獲竊答

太史公曰本聚貨固固以錄脈

惠人錄谷製或失除之

索烈曰蘇林云依

史記卷之一百一十六

華亭

徐孚遠

陳子龍

測議

西南夷列傳

西南夷君長以什數

正義曰在蜀之南

夜郎最大

索隱曰

健為屬國也韋昭云漢為縣屬牂牁○孚遠曰夜郎

王竹姓出嘗璩華陽志太史公不載此事疑其時未

詳其西靡莫之屬正義曰在蜀南以下及西也靡非

十五里即以什數滇最大如淳曰滇音顛顛馬出其

屬越嵩太自滇以北君長以什數邛都最大此皆

西南夷列傳

授此傳以夜郎滇二國為首蓋漢所封也

史記卷之一百一十五

結耕田有邑聚。索隱曰：魑。漢書作推。其外西自同師以東。索隱曰：漢

書作北至牒榆。正義曰：上音牒。牒澤在麋北百餘里。桐鄉

生屬名爲鶴昆明。崔浩云：鶴昆明二國名。○正義曰：南接昆明之

地因名也。皆編髮隨畜遷徙毋常處。毋君長。地方

可數千里。自鶴以東北。君長以什數。徙徠都最大。章

云徙縣在蜀徠縣在越徠。○正義曰：括地志云：徠州本西蜀徠外曰徠。徠地里志云：徙縣也。華陽國志

雅州邛邛山木名邛自徠以東北。君長以什數。冉駹

最大。正義曰：括地志云：蜀西徠外徠茂州冉州本冉駹國地也。後漢書云：冉駹其山有六夷七羗九

蠻各有其俗或土著。或移徙。在蜀之西。自冉駹以東

北君長以什數。白馬最大。正義曰：括地志云：隴右成州武州皆白馬氏其豪族

楊氏居成州皆氏類也。此皆巴蜀西南外蠻夷也。始

楚威王時。使將軍莊躡將兵循江上。正義曰：郎州昆州即莊躡所王

略巴蜀黔中。以西。莊躡者。故楚莊王苗裔也。索隱曰：躡音矩

灼反。楚莊王躡至滇池。地方三百里。正義曰：括地志云：滇池澤在昆

弟爲盜者州晉寧縣西南三十里。其水源濶。旁平地肥饒。數千

里。以兵威定屬楚。欲歸報。會秦擊奪楚。巴黔中郡。道

塞不通。因還。以其衆王滇。變服從其俗。以長之。秦時

嘗頌音略通五尺道。索隱曰：謂棧道廣五尺。○正義曰：括地志云：五尺道在郎州頌

此約言曰
百四十字
而西南諸
夷其方隅
風俗大小
具見敘事
明整簡盡
可法
茅坤曰：莊
躡之王楚
與尉佗之
王南越略
相似

已
卷一百三
西南夷列傳
二

師古云其處險阨故道纔廣五尺。○字遠曰嘗類疑人姓名。諸此國頗置吏焉。十餘歲秦滅。及漢興。皆棄此國。開蜀故徼。巴蜀民或竊出商賈。取其犂馬。夔僮髦。以此巴蜀殷富。索隱曰。章昭云。夔屬犍為。音蒲。北反。服文云。音京。師有夔婢。○子龍曰。先。巴蜀殷富之說。可。元外夷貴於貿易。相通不必以兵威誅擊也。建元六年。大行王擊東越。東越殺王郢。以報。恢因兵威。使番陽令唐。風指曉南越。正義曰。番音南。越。食蒙蜀枸醬。索隱曰。案。枸音矩。劉德。取其實。以為醬。美。小顏云。枸音。木而生。非樹也。蜀土家出。枸實不長。二三寸。味。似藍。不。劉。也。廣志云。枸色黑。蒙問所從來。曰。道西北犂牯。味辛。下氣消。

江廣數里

常。華陽國志云。王遣莊。騎伐。至且蘭。孫。於。而步戰。既滅。夜。以。蘭有。船。柯。仍。出。番。城。下。蒙。歸。至。長。安。問。買。吹。其。名。為。作。何。

人買。人曰。獨。山。枸。醬。多。持。竊。出。市。夜。郎。夜。郎。者。臨。犂。牯。江。江。廣。百。餘。步。足。以。行。船。南。越。以。財。物。役。屬。夜。郎。西。至。同。師。然。亦。不。能。臣。使。也。蒙。乃。上。書。說。上。曰。南。越。王。黃。屋。左。纛。地。東。西。萬。餘。里。名。為。外。臣。實。一。州。主。也。今。以。長。沙。豫。章。往。水。道。多。絕。難。行。竊。聞。夜。郎。所。有。精。兵。可。得。十。餘。萬。浮。船。犂。牯。江。出。其。不。意。此。制。越。一。奇。也。誠。以。漢。之。疆。巴。蜀。之。饒。通。夜。郎。道。為。置。吏。易。甚。

上許之乃拜蒙為郎中將將千人食重萬餘人索隱曰案

食糧及輜重車也從巴蜀徭關入遂見夜郎侯多同蒙厚賜

喻以威德約為置吏使其子為令夜郎旁小邑皆貪

漢繒帛以為漢道險終不能有也乃且聽蒙約還報

乃以為犍為郡發巴蜀卒治道自犍道指犍何江索隱

日地理志夜郎又有豚水東至南海四會八海此犍何江也蜀人司馬相如亦言

西夷邛笮可置郡使相如以郎中將往喻皆如南夷

為置一都尉十餘縣屬蜀當是時巴蜀四郡徐廣曰漢中巴

郡廣漢蜀郡通西南夷道戍轉相饒數歲道不通士罷餓

離濕死者甚眾西南夷又數反發兵興擊耗費無功

上患之使公孫弘往視問焉還對言其不便及弘為

御史大夫是時方築朔方以據河逐胡弘因數言西

南夷害可且罷專力事匈奴上罷西夷獨置南夷夜

郎兩縣一都尉徐廣曰元光六年南夷始置郵亭稍令犍為自葆就

正義曰今犍為自葆守而漸修成其郡縣也及元狩元年博望侯張騫使

大夏來言居大夏時見蜀布邛竹杖韋昭曰邛縣之竹屬蜀贊曰邛

山各此竹節高實中可作杖使問所從來曰從東南身毒國漢書音義

日一名天竺則浮屠胡是也○索隱日身音捐毒音篤小顏亦日捐篤也可數千里得蜀

賈人市或聞邛西可二千里有身毒國焉因盛言大夏在漢西南慕中國患匈奴隔其道誠通蜀身毒國道便近有利無害於是天子乃令王然于柏始昌呂越人等使問出西夷西指求身毒國至滇滇王嘗羗乃留徐廣曰嘗一作賞為求道西十餘輩歲餘皆閉昆明如日為昆明所閉道正義莫能通身毒國滇王與漢使者言曰漢孰與我大及夜郎侯亦然以道不通故各自以為一州主不知漢廣大使者還因盛言滇大國足事親附天子注意焉及至南越反上使馳侯侯

因犍為發南夷兵且蘭君恐遠行勞國虜其老弱

日小國名也後乃與其眾反殺使者及犍為大

乃發巴蜀罪人嘗擊南越者入校尉擊破之

破漢入校尉不下即引兵還行誅頭蘭索隱曰且蘭

蘭嘗隔滇道者也巴平頭蘭遂平南夷為牂牁夜

郎侯始倚南越南越已滅會還誅反者夜郎遂入蜀

上以為夜郎王南越破後及漢誅且蘭邛君并殺

侯冉駹皆振恐請臣置吏乃以邛都為越雋郡犍

為沈犁郡冉駹為汶山郡應邵曰今廣漢西白馬為

南越始得併定西南諸夷

史記 卷一百一 西南夷列傳

武都郡上使王然于以越破及誅南夷兵威風喻滇
 王入朝滇王者其衆數萬人其旁東北有勞漫靡莫
 皆同姓相扶未肯聽勞漫靡莫數侵犯使者吏卒元
 封二年天子發巴蜀兵擊滅勞漫靡莫索隱曰二國與滇王同姓
 以兵臨滇滇王始首善以故弗誅滇王離難西南夷
 舉國降請置吏入朝於是以為益州郡賜滇王王印
 復長其民西南夷君長以百數獨夜郎滇受王印滇
 小邑最寵焉

太史公曰楚之先豈有天祿哉在周為文王師封楚

及周之衰地稱五千里秦滅諸侯唯楚苗裔尚有滇

王漢誅西南夷國多滅矣唯滇復為寵王然南夷之

端見枸醬番禺大夏杖印竹西夷後掬剽分二方索隱

日掬謂被分割也剽音尤妙反言西夷後被卒為七

掬割遂割居西南二方各屬郡縣剽亦分義

郡徐廣曰犍為犍犵越犍益

州武都沈犁汶山地也

索隱述贊曰西南外徼莊躋首通漢因大夏乃命

唐蒙勞漫靡莫異俗殊風夜郎最大功符犍雄及

置郡縣萬

代推功

子維禎曰
 子番禹見
 狗醬子大
 夏見印竹
 杖而文法
 錯綜如此

[Faint bleed-through text from the reverse side of the page]

史記卷之一百十七

徐孚遠

華亭

陳子龍

測議

司馬相如列傳

楊慎曰劉子玄史通云相如傳具在相如集中子長因錄斯篇即為列傳又按南史云古之名相如孟堅子長皆自叙風流傳芳末世觀此則相如傳即相如之文也

司馬相如者蜀郡成都人也字長卿少時好讀書學

擊劍索隱曰呂氏春秋劍伎云持短入長倏忽縱橫之術也故其親名之曰犬

子索隱曰孟康云索隱曰秦秦密云文相如既學翁遣相如受七經慕

史記

卷一百一十七 司馬相如列傳

一

茅坤曰太史公序次相如特愛其文賦而已于覽之多為硯礪

奇崛然騷
之再變矣
特微蜀父
老與諫獄
書絕佳

王鏊曰按
相如志獨
在詞賦梁
者詞賦之
數因病免
有志哉

藺相如之為人。更名相如。以貲為郎。事孝景帝。為武
騎嘗侍。索隱曰。張揖曰。秩六百石。嘗侍從格猛獸。非其好也。會景帝不好
辭賦。是時梁孝王來朝。從游說之士。齊人鄒陽。淮陰
枚乘。吳莊忌。夫子之徒。徐廣曰。名忌。字夫子。○索隱曰。案鄒陽傳云。枚先生。嚴夫子。則此夫子是美稱。時人以為號。爾而徐廣云。字為非。相如見而說之。因病免
客游梁。梁孝王令與諸生同舍。相如得與諸生游。士
居數歲。乃著子虛之賦。會梁孝王卒。相如歸而家。無
無以自業。素與臨邛令王吉相善。吉曰。長卿久宦。不
不遂而來過我。於是相如往舍都亭。索隱曰。案臨邛下之亭也。

臨邛令繆為恭敬

字法曰。臨邛多富人。繆為恭敬以示相如。

重

朝相如。初尚見之。後稱病。使從者謝吉。言愈益謹。
臨邛中多富人。而卓王孫家僮八百人。程鄭亦數
人。二人乃相謂曰。令有貴客。為具召之。并召令。令既
至。卓氏客以百數。至日中。謁司馬長卿。長卿謝病不
能往。臨邛令不敢嘗食。自往迎相如。相如不得已。還
往。一坐盡傾酒。酺。臨邛令前奏琴曰。竊聞長卿好之。
願自娛。相如辭謝。為鼓一再行。索隱曰。案古樂府。長歌行。短歌行。皆
曲引也。此言鼓一再行。謂一兩曲。是時卓王孫有女文君。新寡。好音

故相如繆與令相重。而以琴心挑之。索隱曰：其詩曰：鳳兮鳳兮，歸故

鄉遊，遂四海求其風。有一艷女在此堂，室邇人遐，毒我腸。何繇交接為鴛鴦也？又曰：鳳兮鳳兮，從皇栖得

托子尾，永為妃。交情通體必和諧，中夜相從，別有誰卜子龍曰：聲音可以通微，琴心挑之，政所謂精神相

感召耳，豈必求鳳俚淺之辭哉？相如之臨邛，從車騎雍容閒雅，甚都

韋昭曰：間讀曰閑，甚得都邑之容也。及飲卓氏弄琴，文君竊從戶窺之

心悅而好之，恐不得當也。既罷，相如乃使人重賜文

君侍者，通殷勤。文君夜亡奔相如。索隱曰：郭璞云：婚不以禮為節也。

相如乃與馳歸，家居徒四壁立。索隱曰：案孔文祥云：徒空也。家空無資儲

但有四壁而已。卓王孫大怒曰：女至不材，我不忍殺，不分一

錢也。人或謂王孫，王孫終不聽。文君久之不樂，曰：長

卿第俱如臨邛。索隱曰：文穎云：從昆弟假貸，猶足為第且也。如往也。

生何至自苦如此！相如與俱之臨邛，盡賣其車騎，買

一酒舍，酤酒，而令文君當鑪。韋昭曰：鑪，酒肆也。以土為墮，邊高似鑪。

如身自著犢鼻褌。韋昭曰：今三尺作形如犢鼻。與保矣。今銅印言犢鼻，此其類矣。

庸雜作滌器於市中。韋昭曰：瓦器也。每食必滌漑者。卓王孫聞而耻

之，為杜門不出。昆弟諸公郭璞曰：諸公父行也。更謂王孫曰：有

一男兩女，所不足者非財也。今文君已失身於司馬

長卿，長卿故倦游。郭璞曰：厭游宦也。雖貧，其人材足依也。且

傷慎曰：文君已失身於司馬長卿，故倦遊。

須溪云已失身於司馬為一句長卿故倦游為一句今人不得其讀于長卿下又添長卿二字失古人之意矣
余有丁曰既云讀于虛賦善之矣又云未足觀豈所讀者止齊事即今文

選中分子虛上林為二篇則帝先見子虛而上林其續奏也
揚慎曰此太史公總子虛賦之大旨為訓註之法

又令客獨奈何相辱如此卓王孫不得已分予文君僮百人錢百萬及其嫁時衣被財物文君乃與相如歸成都買田宅為富人居久之蜀人楊得意為狗彘侍上郭璞曰主獵犬也上讀于虛賦而善之曰朕獨不與此人同時哉得意曰臣邑人司馬相如自言為此上驚乃召問相如相如曰有是然此乃諸侯之事足觀也請為天子游獵賦賦成奏之上許令尚書筆札相如以子虛虛言也為楚稱郭璞曰稱說楚之美鳥生者烏有此事也為齊難郭璞曰楚事也無是公者

人也明天子之義郭璞曰以為折中之談也故空藉此

索隱曰藉音假借以推天子諸侯之苑囿其卒章歸之於

儉因以風諫奏之天子天子大說其辭曰楚使子

使於齊齊王悉發境內之士備車騎之衆與使者中

田田罷子虛過詫烏有先生郭璞曰詫誇也而無是公在焉

坐定烏有先生問曰今日田樂乎子虛曰樂獲多乎

曰少然則何樂曰僕樂齊王之欲夸僕以車騎之衆

而僕對以雲夢之事也曰可得聞乎子虛曰可王駕

車千乘選徒萬騎田於海濱列卒滿澤罟罔彌山

日說文云。眾兔罟也。拚兔。麟鹿。射麋。脚麟。徐廣曰。麟音吝。駟案

今轡車罟也。彌竟也。麟車。轡。○索隱曰。韋昭云。脚謂持

郭璞曰。脚倚足。麟車。轡。○索隱曰。韋昭云。脚謂持

脚也。司馬彪曰。脚倚也。說文云。倚偏引一脚也。驚

於鹽浦。割鮮。染輪。郭璞曰。鹽浦海邊地多鹽鹵。鮮生

驚馳也。○索隱曰。染或為粹。射中獲多。矜而自功。願

謂僕曰。楚亦有平原廣澤游獵之地。饒樂若此者乎。

楚王之獵。何與寡人。郭璞曰。僕下車對曰。臣楚國之

鄙人也。幸得宿衛。十有餘年。時從出游。游於後園。覽

於有無。然猶未能徧觀也。又惡足以言其外澤者乎。

齊王曰。雖然。略以子之所聞見而言之。僕對曰。唯

臣聞楚有七澤。嘗見其一。未觀其餘也。臣之

特其小小者耳。名曰雲夢。索隱曰。裴駰云。雲夢

郡華容縣。郭璞曰。江夏安陸有雲夢城。南郡。亦

有雲夢。城華容縣。又有巴丘湖。俗云。古雲夢也。亦

則張揖云。在華雲夢者。方九百里。其中有山焉。其山

容者。指此湖也。則盤紆。第鬱。隆崇。律萃。岑巖。參差。日月蔽虧。漢書音

山壅蔽。日月虧缺。半見。○索隱曰。案漢書注。此卷

多不題注者。姓名解者云。是張揖亦兼有餘人。此

錯糾紛。上干青雲。罷池陂陀。下屬江河。其土。則丹

赭。堊。山。堊。白。堊。本草云。一名白堊也。雌黃。白。埴。索隱

埴。出魯陽山。蘇林音附。○正義曰。藥

對曰。雌黃。出武都山谷。與雄黃同山。錫。碧。金。銀。正義

日。願

已。已。

王世貞曰。子虛上林。材極富。而運。筆極古。雅。精神極流。動意極高。非以不可。

反也。長沙。有其意。而。張濬。有其。材。而。其。子。其。有。其。不。得。其。精。神。流。動。處。

王鑿曰。罷。與。同。池。與。同。謂。山。勢。擺。撥。迤。耳。

宋二行二。司馬相如列傳。

云錫青金也。碧謂衆色炫耀。炤爛龍鱗。郭璞曰：如其

石則赤玉玫瑰。楚辭：玫瑰石珠也。琳瑯琨瑀。漢書音

球也。取石次玉者。琨瑀山名也。出善金。尸子曰：昆吾

之金者。○索隱曰：司馬彪曰：琨瑀石之次玉也。河圖

云：流州多積石名。琨瑀石鍊。瑊瑳功玄厲。徐廣曰：瑊音

勒。皆次玉者。駟案漢書音。瑊石武夫。駟案漢書音。義

曰：瑊石出鴈門。其東則有蕙圃。衡蘭芷若。射干芎窮

三用玄。昌蒲。索隱曰：司馬彪云：蕙香草也。廣志云：蕙草綠葉

射干。漢書文選。麻其華正紫也。張揖云：衡社衡東。下田有草莖葉似

之。山案山海經云：葉如葵。臭如糜蕪。可以走馬。博物

志云：一名土杏。味亂細辛。蘭秋蘭本草云：芷一名陸

無射干。碑答云：齊世一曰：鷲字林曰：陸音昌。亥反。又音昌里

字師古。李等並。反。鷲音火。高反。本草又曰：杜若一名杜衡。今杜若葉

似薑。而有文理。莖葉皆有長毛。廣雅云：烏蓬射干。本

謂俗本。草名烏扇也。司馬彪云：芎窮似藁本。郭璞云：今歷陽

呼為江離。淮南子云：夫亂人者若芎窮之與藁本也。

其云鷲。騰遠射。云者是也。樊光曰：藁本一名麋蕪。根名蘄。芷藥對以

為藁蕪。一名江離。芎窮苗也。則芎窮藁本。江離藁蕪。並

相似。備是一物也。傅音普。各反。且音于。餘反。漢書

作巴。且文穎云：巴蕉也。郭璞以為藁蕪屬。未知孰是。

其南則有平原廣澤。登降陁靡。案衍壇曼。索隱曰：司

馬彪云：案衍窳。緣以大江。限以巫山。郭璞曰：巫山今

下。壇曼平博也。其高燥則生葳蕤苞荔。徐廣曰：葳音針。馬藍也。葳或

詣反。草似蒲。駟案漢書音。義曰：苞蕪也。○索隱曰：薛

蕪音斯。郭璞云：葳酸醬。江東名烏葳。折。漢書作斯。

薛

六二

六

句漢書
文選俱
無之不
知二書
誤脫抑
亦後人
所增乎

莎青蘋徐廣曰薛賴蒿也莎錦侯也青蘋似莎而大也音煩其卑溼則生藏莧

兼葭東蓄雕胡徐廣曰鞠案漢書音義曰藏似亂而葉大○索隱曰卑下也郭璞云葭尾似茅兼葭音兼加孟康云兼葭似蘆也廣志云東葭子色青黑河西記云貨我東蓄償我自梁雕胡謂

米蓮藕菰蘆徐廣曰生水中○索隱曰菴蔞軒郭璞云菴蔞子可療病也蘆葦也菴蔞軒于

日郭璞云菴蔞子可療病也衆物居之不可勝圖軒芋生水中今揚州有也

書也其西則有湧泉清池激水推移外發芙蓉蒹華

內隱鉅石白沙其中則有神龜蛟鼉正義曰郭注山海經云蛟似蛇而四脚小細頭有白嬰大者數十圍卵生子如一

二斛瓮吞人鼉似蜥蜴而大身有甲皮可以育鱗

瑁正義曰似鱗甲有文鼈龜其北則有

也二木生至七年按溫活人云豫今之柎木也桂椒正義曰魯云桂椒

也柎間無雜木冬夏嘗青按今諸寺有桂椒肥而小光靜冬夏嘗青其皮不中食益二色

蘭正義曰廣雅云似桂皮辛可食菓冬夏似冬其實如小甘辛美南人以爲

楊徐廣曰藥音扶反馴案郭璞曰木藥也辛香可食漢書音義曰離山梨朱藥亦楊也

棹栗橘柚芬芳徐廣曰棹音卸馴案漢書音義曰棹棹也有刺冬不凋葉青花白子

黃亦二樹相似非橙也其上則有赤棗蠹劬蝻蝻柔

皆猿猴類鷓鴣孔鸞騰遠射于郭璞曰鷓鴣

也漢書音義曰騰遠鳥名射于似狐能緣木

○索隱曰司馬彪云騰遠蛇也能與雲霧

其下

司馬相如列傳

有白虎玄豹曼蛇貍狔郭璞曰曼蛇大獸長百尋

地野犬似兕象野犀正義曰兕狀如水牛象大犀長

額漢書無窮奇獫狁於是乃使專諸之倫手浴此獸

楚王乃駕馴駁之駟漢書音義曰馴擾也駁知馬白

以當馴乘雕玉之輿靡魚須之橈旃郭璞曰以海魚

馬也曳明月之珠旗漢書音義曰以建千將之雄戟漢

音義曰千將韓王劍師雄戟胡中有左烏

造也索隱曰周禮圖謂戟反曲下為胡也左烏

嗥之雕弓索隱曰案淮南子云烏號柘桑其材堅勁

其材為弓右夏服之勁箭索隱曰夏后氏有良弓名

因曰烏號也陽子驂乘織阿為御漢書音義曰陽子隱人陽陵

樂也孫陽字伯樂樂彥曰織阿山名有女子案節未

處其巖丹歷數度躍入月中因為月御也

舒索隱曰郭璞云言頓轡也即陵狡獸麟叩叩蹙距虛郭璞曰叩

而青距虛即叩叩變文互言之穆天軼野馬而馳駒

子傳曰叩叩距虛日走五百里也

駘郭璞曰野馬如馬而小駒駘似馬乘遺風而射

游騏漢書音義曰遺風千里馬爾雅曰嵩如馬一儵

角不角者騏也○索隱曰遺風秦始皇馬名儵

聃淒冽徐廣曰淒音七見反冽音力諸雷動煙至星

流霆擊弓不虛發中必決皆韋昭曰在日所指洞貫

節裴回

索隱曰司馬彪云弭猶低也

翺翔密與

索隱曰言自得

覽乎吟

觀壯士之暴怒與猛獸之恐懼微欲受誅

徐廣曰

郭璞曰飢疲極也誅盡也言

彈睹眾物之變

鄭女曼姬

國出好女曼者其色理曼澤也○乎

二人文類說非也

被阿錫

漢書音義曰阿錫布也

正義曰偷曳也辜昭

襪織羅

垂霧縠郭璞曰言

襞積褰縐紆徐委曲鬱撓谿谷

漢書音義曰

粉排排

索隱曰郭璞云衣長貌

揚袍

郵削也索隱曰

蜚纖垂髻

徐廣曰纖音芟駟案郭璞云纖衽衣飾髻髻髻也

扶輿猗靡

鄭女曼姬侍從王者

翦呶萃蔡

漢書音義曰翦呶萃蔡衣

扶其車輿而猗靡

也下摩蘭蕙上拂羽蓋錯翡翠之葳蕤

徐廣曰

按師古云錯雜也葳蕤羽飾貌

翠繆繞玉綏

正義曰顏云下靡蘭蕙謂垂髻也

織垂髻錯襟翡翠之

縹乎忽忽若神仙之仿佛

國策云鄭之美女粉白黛黑

於是乃相與獠於蕙圃

郭璞曰獠

獵也音遼 嬖珊勃窣上金隄

繳施弋白鵠連駕鵝

正義曰鵠水鳥也雙鵠下玄鶴

高儀曰諸鋪叙皆景惟金隄以下靡靡可觀

加郭璞曰詩云弋言加之是也○正義曰司馬彪云

十歲則色純黑怠而後發游於清池浮文鵠漢書音義曰鵠

於船揚桂棹徐廣曰棹檝也張翠帷建羽蓋罔璚瑁鈞紫貝

郭璞曰紫質黑文也○正義曰毛詩蟲魚疏云貝水之介蟲擬金鼓吹鳴籟漢書音義

日擬撞也籟簫也榜人歌郭璞曰唱聲流喝徐廣曰水蟲駭

波鴻沸涌泉起奔揚會礪石相擊礧礧磔磔若雷霆

之聲聞乎數百里之外將息獠者擊靈鼓郭璞曰

而起烽燧車案行騎就隊纏乎淫淫班乎裔裔郭璞曰皆

羣行也於是楚王乃登陽雲之臺徐廣曰宋玉云楚王

郭璞曰在泊乎無為澹乎自持勺藥之和具而後御

之郭璞曰勺藥五味也不若大王終日馳騁而不下輿將剖輪

淬自以為娛徐廣曰淬干內反駟案郭璞曰將膊淬染也將音鬱也臣竊觀之

齊殆不如於是王默然無以應僕也烏有先生曰是

何言之過也足下不遠千里來况齊國郭璞曰言有惠况也王

悉發境內之士而備車騎之眾以出田乃欲戮力致

獲以娛左右也何名為夸哉問楚地之有無者願聞

大國之風烈先生之餘論也今足下不稱楚王之德

厚而盛推雲夢以為高奢言淫樂而顯侈靡竊為足

六十一 司馬相如列傳

下不取也。必若所言。固非楚國之美也。有而言之。是章君之惡。無而言之。是害足下之信。章君之惡。而傷

私義。二者無一可。而先生行之。必且輕於齊。而累於

楚矣。且齊東有巨海南。有琅邪。郭璞曰。山名。在琅邪縣界。觀乎成

山。正義曰。封禪書云。成山斗入海。言上山觀也。括地志云。成山在萊州文登縣東北百八十里也。射

乎之罘。漢書音義曰。罘。山在平縣射獵其上也。浮勃澥。漢書音義曰。海別枝名也。

素隱曰。案齊都賦云。游孟諸。正義曰。周禮職方氏。海傍曰勃。斷水曰解也。游孟諸。正義曰。周禮職方氏。孟諸。諸。邪與肅慎為鄰。

正義曰。邪。謂東北接之。括地志云。蘇鞞國。古肅慎也。在湯谷為界。

正義曰。言右者。北向天子也。海外經云。湯谷在黑齒北。上有扶桑木。張揖云。

子華曰。湯谷。日出之。而云右。恐左字之誤。正義所云。北向天子。

據秋田乎青丘。傍徨乎海外。正義曰。服虔云。青丘。國東海東三里。

雲夢者八九。其於胸中。曾不蒂芥。索隱曰。張揖云。蒂。芥。刺鯁也。

乃倣儻瑰偉。異方殊類。珍怪鳥獸。萬端鱗萃。充牣

中者。不可勝記。禹不能名。契不能計。正義曰。禹。司空辨九

地山川草木禽獸。契為司徒。敷五教。主四方會計。言二人。猶不能名。計其數。然在諸

位。不敢言游戲之樂。苑囿之大。先生又見客。如。見言

禮待。故也。是以王辭而不能復。索隱曰。郭璞曰。復。答也。何為無

哉。無是公。听然而笑曰。郭璞曰。听。笑貌也。楚則失矣。齊亦未

既感日費
語不多而
氣驟吞吐
已極

史記

卷一百一

十一

揚慎曰此明天子之義

蘇轍曰讀上林賦如觀君子佩玉冠冕還折揖讓吐音皆中

矩終日威儀無不可觀
余有丁曰按無是公唯言上林而所叙與圖品物乃罔雜四海蓋天子以天下為家故侈言之若此后人乃以盧橘等譽議之拘矣

史記

卷一百一十七

十一

得也。夫使諸侯納貢者，非為財幣，所以述職也。封疆畫界者，非為守禦，所以禁淫也。郭璞曰：禁絕淫放也。今齊列為東藩，而外私肅慎，捐國踰限，越海而田，其於義故未可也。且二君之論，不務明君臣之義，而正諸侯之禮，徒事爭游獵之樂，苑囿之大，欲以奢侈相勝，荒淫相越。此不可以揚名發譽，而適足以貶君自損也。且夫齊楚之事，又焉足道邪？君未睹夫巨麗也，獨不聞天子之上林乎？左蒼梧，右西極。正義曰：文穎云：蒼梧，屬交州，在長安東南。故言左。爾雅云：西至于幽國。丹水更其南，漢書音義曰：丹水出上洛

家領
紫淵徑其北。正義曰：山海經云：紫淵水出嶺南，縣有紫澤，其水紫色。之山，西流注河。文穎云：西河，穀羅在縣北，於長安為北。終始霸澹，出入涇渭。索隱曰：張藍田西北而入渭，澹亦出藍田谷北，至霸陵入霸澹。澹二水盡於苑中，不出，故云終始也。涇渭二水從苑外來，又出苑去也。涇水出安定涇陽縣，開頭山東至陽陵入渭。渭水出隴西首陽縣，鳥鼠山東北至華陰人河。鄭高澹澹，索隱曰：張揖云：鄭水出鄭縣南山，豐谷水豐水，下流也。應劭云：澹流也。澹通出聲也。案張揖云：渭水出南山，姚氏云：澹或作澹，澹水出鄭縣北注渭。澹水出杜陵，今名沱水，自南山皇子陂西北流注昆明池。入渭案此下文八川分流，則從涇渭霸澹豐澹，豐澹澹澹為八。又潘岳關中記曰：涇渭霸澹豐澹，豐澹澹澹上林賦所謂八川分流也。紆餘委蛇，經營乎其內，蕩蕩兮八川分流，相背而異態。郭璞曰：八川名在上

史記

卷一百一十七

司馬相如列傳

七

東西南北馳驚往來出乎椒丘之闕行乎洲淤之淵

郭璞曰椒丘丘名言有巖闕也○索隱曰案兩山俱起象雙闕故云椒丘之闕

中郭璞曰桂林名也過乎泱莽之野漢書音義曰山海經所謂大荒之野

渾流順阿而下郭璞曰阿大陵赴隘陝之口觸穹石激

郭璞曰穹隆大石貌堆沸乎暴怒洶涌滂潰

沙堆倚曲岸頭音所音浦拜反○索隱曰洶涌

跳越貌澎潰波相戾也郭璞曰滂潰

洶密三音洶于筆反郭璞曰畢溜測泌澗

測相迫也橫流逆折轉騰激洌索隱曰蘇

而相襖也日滂淠水聲沉澗徐流也○正義曰

雲恍索隱曰服皮云水急旋回如雲蛇澗膠戾索隱曰

瀘展轉也膠戾邪曲踰波趨汜索隱曰司馬彪云

也音宛善交戾四音踰波趨汜波後陵前也趨汜

於淡莅莅下瀨索隱曰司馬彪云批巖衝壅正義曰

也應曲奔揚滯沛索隱曰郭璞云臨坻注壑正義曰

坻水中沙微起出水者也灑灑實墜索隱曰灑音土

爾雅云水出曰坻壑婦也灑灑實墜灑反灑音土卓

反說文云水之小聲也湛湛隱隱徐廣曰砰磅訶

正義曰質音隕隧直類反湛湛隱隱湛音沈砰磅訶

磴正義曰磴音隕隧直類反漣漣黃反訶呼宏

漣反漣音隕隧直類反漣漣黃反訶呼宏

漣反漣音隕隧直類反漣漣黃反訶呼宏

漣反漣音隕隧直類反漣漣黃反訶呼宏

楊慎曰：漸離此云未聞說文有漸胡漸字同但此叙水族彼言陸產不同耳或者水獸形似漸明名爲漸

貌也。悠遠長懷。正義曰：放散貌也。寂寥無聲。肆乎永歸。然後願

也。漾潢流。正義曰：見養二音。郭云：皆水無涯際也。安翔徐徊。蒿乎瀟

光貌。蒿音島。瀟音吳也。東注太湖。正義曰：太湖在蘇州西。

陂池。於是乎蛟龍赤螭。廣雅曰：有角曰虬。無角曰螭。按虬皆龍類而非。

鱗離。徐廣曰：鱗音漸。鱗案郭璞曰：鱗鱗鱗也。音巨。曹漸離未聞。鱗鱗鱗也。

音娛。皮有文。出樂浪。鯀音皮。鯀音託。多口魚也。

郭璞曰：鱗似鯀而黑。漢書音義曰：鯀似鯀而法也。

尾振鱗奮翼。潛處於溪巖。魚鼈譁聲。萬物衆寢。明月

珠于。玳瑁江靡。郭璞曰：靡岸也。○索隱曰：應劭云：玳瑁生於江中。其光輝乃玳瑁也。

玉磊砢。郭璞曰：水玉。水精也。○于龍曰：沈氏云：玉磊砢。南越志：九品珠有磊砢珠。疑卽此。

爛爛采色。滌肝叢積乎其中。鴻鵠鵠鵠。踟躕

日。鵬鵬霜。鷓鴣似鳴而大。長頸赤目。紫紺色也。

○索隱曰：揚音保。郭璞云：揚似鴈而無後音。

鵲目。徐廣曰：鵲音環。索隱曰：郭璞云：鵲目未詳。

日旁毛皆長而旋。此其是乎。○正義：煩鶩鵠。鶩

鶩見也。鶩似鶩。鶩似鶩。鶩似鶩。鶩似鶩。鶩似鶩。鶩似鶩。

鶩似鶩。鶩似鶩。鶩似鶩。鶩似鶩。鶩似鶩。鶩似鶩。鶩似鶩。

其。上。汎。淫。泛。濫。索隱曰：郭璞云：皆鳥任風。泛自隨風。汎音馮。泛音芳。劍反。

史記 卷一百七 司馬相如列傳 古

澹淡與波搖蕩掩薄草渚正義曰掩覆也薄依也安

喋菁藻郭璞曰太湖之菁也○索隱曰左傳云蘋蘩

反鳥食之聲也咀嚼凌藕於是乎崇山龍從崔巍察我正義曰龍

力孔反從子孔反崔在回淡林鉅木嶄巖參差正義曰嶄

仕銜反參音楚林反差楚宜反九變截薛南山峩峩

漢書音義曰九變山在左馮翊谷口縣西截嶄山在

池陽縣北○正義曰變子公反截才切反嶄五結反

巖陀音遲巖錡崔婁屈崎郭璞曰陀崖際巖音魚晚反

日陀音豸皆隆屈窞振谿通谷索隱曰張揖云振板

折貌崎音倚嶼音樞也郭璞云振猶灑之

也蹇產溝瀆漢書音義曰蹇產屈折也谿呀豁問郭璞曰谿音呼

反問音呼下反○索隱曰官陵別鳥正義曰六世口

谿呀大貌豁問空虛也中山歲魄良龜正義曰歲于鬼反魄魚鬼

日鳥郭璞曰歲于鬼反魄魚鬼嶺嶺正義曰嶺口忽反又口罪反

嶺嶺正義曰嶺口忽反又口罪反隱麟鬱嶠正義曰嶠音

郭云皆其登降施靡正義曰郭云施靡猶連延陂池獬豸郭璞曰

形勢也郭云皆其登降施靡散渙正義曰散渙

散渙正義曰散渙以江離糝以蘼蕪正義曰糝女又反襍以流夷漢書音義

○子龍曰顏師古曰流夷香草非專結縷徐廣曰縷

新夷也新夷乃木耳其說為長

史記

登降
句重上
文

縷似白茅蔓聯攢戾莎徐廣曰草可染紫揭車衡蘭豪木射

干駟案郭璞曰揭車一名乞與豪木藜藿射十月

芷薑蕕荷索隱曰張揖云芷薑音紫○正義曰蕕人羊反

柯根旁生笋若芙蓉可葳橙若蓀索隱曰姚氏以為

以為藟又治蠱毒也誤耳符鬼目也案今讀看亦呼為登謂登草也姚氏

云蓀草似冒滿而無春鮮枝黃礫郭璞曰皆未詳○

也生溪澗中蓀音孫鮮枝黃礫索隱曰張揖云皆

草也司馬彪云鮮枝即今支子或云鮮枝蔣芋青蘋

亦香草也小顏云黃礫者黃屑木恐非也蔣芋青蘋

徐廣曰芋音竹駟案漢書音義曰蔣芋也芋三稜○

索隱曰蘋音煩○子龍曰芋楊川修以為稼粟之屬

引狙公賦為証然觀上下文蔣之布獲閔澤延曼太

與蘋皆是水草不應雜以山木耳

原麗靡廣衍應風披靡吐芳揚烈郭璞曰香郁郁斐

斐衆香發越盼蠶布寫晻曖苾勃正義曰晻曖命愛

也於是乎周覽泛觀曠盼虬虬徐廣曰曠音田人反

日皆不芒芒恍忽視之無端察之無崖日出東沼入

可分貌於西陂索隱曰張揖云日出苑之

其南則隆冬生

長踊水躍波獸則猶旄猊徐廣曰猶音容獸類也

璞曰旄旄牛似熊脚銳沈牛塵康漢書音義曰

頭聲牛黑色出西南徼外也沈牛塵康沈牛水牛也

○正義曰塵似鹿赤首園題郭璞曰題額窮奇象尾

楊慎曰形容闊遠之狀

楊慎曰元祖駐師西

印度見大獸

作人語曰此非帝世

耶律楚材

白此名角

端旌星之

精聖人在

位則秦君

而至能日

馳萬八千

里靈異如

鬼神不可

犯也

後言曰

一引反王逸

為度室也

更於

於上

宇之

一紉

西箱

涉冰揭河。郭璞曰言水漫凍不獸則麒麟角端。郭璞

解地折裂也。揭褰衣。獸則麒麟角端。郭璞

騎驪驪。正義曰。騎驪。桃徒二音。驪。決噴。於是乎離宮。館

彌山跨谷。正義曰。彌。滿也。跨。猶騎也。高廊四注。重坐曲閣。或曰

軒也。曲閣。閣道。曲也。華榱璧瑤。素隱曰。韋昭云。裁玉為瑤。以當榱頭。輦道。經

憫周流。長途中宿。子龍曰。長途中宿。張銑曰。直

休之。夷。夔。築堂。繫臺。增成。巖突。洞房。郭璞曰。夔。音谷。繫。音

上。成亦重也。周禮曰。為壇三成。在巖穴底。為室。宿。通

景上者。○素隱曰。張揖云。重累而成之。故曰宿。宿。天

一引反。王逸。倪杳。眇而無見。仰攀際而門。天。尋。曰

更於。闈。闈。宛。虹。拖於。楯。軒。正義曰。拖。音徒。我反。顏

於上。也。楯。軒之。闈。板也。言室。青。州。勳。繆。於。東。箱

宇之。高。故。星。虹。得。經。加。之。

一。紉。反。繆。象。輿。宛。蟬。於。西。清。漢書音義曰。山出

力。紀。反。西。箱。清。淨。地。也。○正義曰。宛。蟬。宛。善

二。音。顏。云。勳。繆。宛。蟬。皆。行。動。之。貌。也。靈。園。燕。於

郭。璞。曰。靈。園。淳。圍。仙。人。名。也。偃。佺。之。倫。暴。於。南。榮。漢書音義

索。隱。曰。應。劭。曰。南。榮。屋。檐。兩。頭。如。翼。也。醴。泉。涌。於

故。鄭。玄。云。榮。屋。翼。也。暴。偃。臥。日。中。也。

室。通。川。過。乎。中。庭。檠。石。振。崖。索隱曰。如淳云。振。音

也。整。頓。池。外。之。嶽。巖。倚。傾。嵒。峩。磔。磔。徐廣云。峩。一作

厓。音。之。忍。反。五。合。反。○素。隱。曰。埤。蒼。云。磔。磔。高。貌。也。磔。音。士。刻。削

劫。反。磔。音。楫。反。又。字。林。音。磔。才。匪。反。磔。五。匪。反。刻。削

史記

卷一百一

司馬相如列傳

三

余有丁曰
此宮殿壯
麗而神仙
游珍寶出
焉

嶂正義曰郭云言玫瑰碧琳珊瑚叢生璿玉旁唐

索隱曰郭璞云瑣唐言盤薄瑣編文鱗徐廣曰瑣音赤瑕駁犖索

彫云駁犖采點也犖音洛角反襍雨其間徐廣曰襍一云挿插

一云垂綏琬琰和氏出焉徐廣曰垂綏一作朝采駟

伐岷山得女二人曰琬曰琰榮愛二女於是乎盧橘

斷其名于茗華之玉茗是琬華是琰也於是乎盧橘

夏孰索隱曰晉灼曰此雖賦上林博引異方珍奇不

多九月結實正赤明年二月更青黑熟吳錄云建安

有橘冬月樹上覆裏明年夏色變青黑其味甚甘美

色是也黃甘橙棗子龍曰黃甘劍之香霧四發古

杷燃柿索隱曰燃支木也燃音棹徐廣曰棹棗似

謂之停棹厚朴藥名也棹棗楊梅徐廣曰棹棗似

揖云楊梅實似殺子而有核其味酢出江南荆櫻桃

楊異物志其實外內各核熟時正赤味甘酸也櫻桃

蒲陶郭璞曰蒲陶似櫻桃一名舍桃隱夫鬱棗格

探荔枝徐廣曰鬱一作蕪格音荅駟案郭璞曰鬱車

杏隱夫未開索隱曰晉灼云荔枝大如雞子羅乎

皮麤剥去皮肌如雞子中黃其味甘多酢少羅乎

後宮列乎北園馳丘陵郭璞曰馳猶下平原楊翠葉

杙紫莖郭璞曰杙搖也發紅華秀朱榮煌煌扈扈炤曜鉅野

沙棠櫟楮漢書音義曰沙棠似棠黃華赤實其華汜

-1 149 38 877" data-label="Text">

梓櫬徐廣曰華木皮可以為索也索隱曰櫬合榘

舍人曰。楓為樹。厚葉弱莖。大風則鳴。故曰。攝辭。攝辭。平仲木也。亦云。火棗木。一云。玉精。食其子得仙也。

留落胥餘。仁頻并閭。考之。欄皮作索。則櫻應屬并閭。然

仁頻作慎郎。欒檀木蘭。豫章女貞。檀別名也。女貞。不

其說為是。欒檀木蘭。豫章女貞。檀別名也。女貞。不

葉冬不落。○索隱曰。皇覽。長千仞。大連抱。夸條。○

實葉。葳茂。攢立叢倚。連卷累危。崔錯。發。○

剛。○徐廣曰。發音拔。駟案。郭璞曰。訛音委。剛音。○

蟠。反。阿音。魯可反。○索隱曰。郭璞云。崔錯。○

也。幡。纏。偏。幡也。音。○索隱曰。紛容。蕭。蔘。倚。旋。從。風。○

日。張。揖。云。旖。○索隱曰。皆。林。木。鼓。動。之。聲。○

宛。猶。阿。耶。也。○

日。柴。音。差。虎。音。牙。○索隱曰。張。揖。云。柴。池。○

參。差。也。此。虎。不。齊。也。○

雜。逐。累。輯。徐。廣。曰。雜。被。山。緣。谷。循。阪。下。隰。視。之。○

究。之。無。窮。於。是。玄。猿。素。雌。雌。獲。飛。鷗。徐。廣。曰。雌。似。○

獲。似。獼。猴。而。大。飛。鷗。飛。鼠。也。其。狀。如。兔。而。鼠。首。以。○

鶻。飛。也。○索隱曰。郭。璞。云。蠅。鼯。鼠。也。紫。毛。赤。色。飛。日。○

生。一。名。飛。生。雌。音。贈。遺。之。遺。蠅。音。誅。玄。猿。猿。之。○

黑。色。也。素。雌。猿。之。雌。者。素。色。也。雌。今。狄。尾。端。為。兩。○

天。雨。便。以。尾。蛭。蠅。蠅。徐。廣。曰。蛭。音。質。駟。案。漢。書。○

飛。蛭。四。翼。郭。璞。曰。蠅。蟪。似。獼。猴。而。黃。蠅。未。聞。○

日。神。異。經。云。西。方。淡。山。有。獸。毛。色。如。猴。能。緣。高。木。○

為。蜥。胡。毅。蛭。索。隱。曰。張。揖。云。蜥。胡。似。獼。猴。頭。上。有。髮。○

司馬相如列傳

七

翁 益象金石之聲。正義曰。金。鐘。石。磬。管。籥。之。音。柴。池。訖。虎。廣。

日。柴。音。差。虎。音。牙。○索隱曰。張。揖。云。柴。池。○

參。差。也。此。虎。不。齊。也。○

雜。逐。累。輯。徐。廣。曰。雜。被。山。緣。谷。循。阪。下。隰。視。之。○

究。之。無。窮。於。是。玄。猿。素。雌。雌。獲。飛。鷗。徐。廣。曰。雌。似。○

獲。似。獼。猴。而。大。飛。鷗。飛。鼠。也。其。狀。如。兔。而。鼠。首。以。○

鶻。飛。也。○索隱曰。郭。璞。云。蠅。鼯。鼠。也。紫。毛。赤。色。飛。日。○

生。一。名。飛。生。雌。音。贈。遺。之。遺。蠅。音。誅。玄。猿。猿。之。○

黑。色。也。素。雌。猿。之。雌。者。素。色。也。雌。今。狄。尾。端。為。兩。○

天。雨。便。以。尾。蛭。蠅。蠅。徐。廣。曰。蛭。音。質。駟。案。漢。書。○

飛。蛭。四。翼。郭。璞。曰。蠅。蟪。似。獼。猴。而。黃。蠅。未。聞。○

日。神。異。經。云。西。方。淡。山。有。獸。毛。色。如。猴。能。緣。高。木。○

為。蜥。胡。毅。蛭。索。隱。曰。張。揖。云。蜥。胡。似。獼。猴。頭。上。有。髮。○

黃一名黃腰食彌猴蛻未聞姚氏案山經云即山有獸狀如龜白身赤首其名曰蛻又說文云蜥胡黑身白腰若帶手有長棲息乎其間長嘯哀鳴翩翩互經

正義曰郭云互天嶠枝格偃蹇杪顛正義曰天音妖嶠音矯杪音弭

沼反郭云音援猴在樹共於是乎踰絕梁正義曰絕梁斷橋也

騰殊榛正義曰爾雅云木藂殊異也捷垂條正義曰捷特懸垂之條踔

稀間郭璞曰踔擊踔也託釣反牢落陸離爛曼遠遷正義曰郭云奔走崩騰狀

也若此輩者數千百處嬉游往來宮宿館客庖厨不徙後宮不移正義曰言宮館各自有百官備具於是乎背秋涉

冬天子校獵乘鏤象六玉蚪徐廣曰以玉為飾蚪龍屬也韓子曰黃帝駕象

車六交龍是也拖蜺旌正義曰析毛羽染以五采靡雲旗止義曰

日畫熊虎於旌以雲氣也前皮軒後道游郭璞曰皮軒革車也道游車皆見周禮

也孫叔奉轡衛公驂乘漢書音義曰孫叔者大僕也公孫賀也衛公者衛青也扈

從橫行出乎四技之中索隱曰晉灼云扈大也文穎曰凡五技今言四者一隨天

子乘與也鼓嚴薄縱獠者漢書音義曰鼓嚴嚴鼓也簿鹵簿也馴謂鼓嚴於林簿之中然

後縱獠也江河為陸泰山為櫓郭璞曰櫓望樓也因車騎

轟起隱天動地先後陸離離散別追淫淫裔裔緣陵

流澤雲布雨施生貔豹郭璞曰貔執夷虎屬也音毗搏豺狼正義曰搏

擊也杜林云手熊羆正義曰熊犬身人足黑足野羊

豺似猶白色色羆大於熊黃白色

司馬相如列傳

郭璞曰野羊如羊干蒙鵠蘇索隱曰鵠鵠尾也蘇折斤手足謂拍踰殺之

以蘇為奇故特袴白虎索隱曰張揖云著白虎之袴也被函文索隱曰與

服志云虎賁騎鵠索隱曰跨陵三變之危音義曰三變

下積歷之坻郭璞曰積歷阪名也漢書音義曰坻水中高處言

也謂弄之經陵赴險越壑厲水推蜚廉郭璞曰飛廉龍雀也弄

漢書音義曰解格蝦蛤鉗猛氏漢書音義曰蝦蛤氏皆獸名○索

晉灼云蝦蛤闕郭璞曰今蜀中有獸狀如熊而小毛淺有光澤名猛氏說文鉗小牙也音蟬

裏射封豕郭璞曰騶裏神馬日行萬里封豕大猪兩音窈窕箭不苟害

陷腦索隱曰張揖云脰項也弓不虛發應聲而倒於是乎乘輿

彌節裴回郭璞曰裴回而退危將率之變熊

然後浸潤郭璞曰度遠去郭璞曰度流

然後浸潤郭璞曰鬼正義曰追怪

物出宇宙正義曰滿白羽正義曰

日引弓盡射游臬六日臬臬羊也似人

箭鏑為滿六日臬臬羊也似人擇肉後發先

獸櫟梢也徐廣曰弦矢分藝徐廣曰瑱正義曰

准的曰藝正義曰然後揚節而正義曰驚風歷駭正義曰

遙反小雅云扶暴風乘虛無正義曰神俱正義曰乘氣之高故能

從下升上故曰騰正義曰乘虛無正義曰神俱正義曰乘氣之高故能

授師古云推亦謂弄之

余有丁曰此類有全文重出者蓋未檢也

按師古云流也

出飛鳥之上，麟、玄鶴、亂、昆、雞、曰：適、孔、鸞、促、駿、驥

而與神俱也。拂鷺鳥，捐鳳皇。漢書音義曰：捐，疑之山，有五采之鳥，名曰鷺鳥也。

正義曰：捐，山交反。捷鴛鴦，掩焦明。索隱曰：鴛鴦，西方之鳥也。

皇，宋秉曰：水鳥也。道盡塗殫，迴車而還，招穆乎襄羊。索隱曰：襄羊，猶

仿降集乎北紘。郭璞曰：紘，維也。率乎直指，闔乎反鄉，歷石闕

歷封巒，過雉鵠，望露寒。徐廣曰：雉音，下棠梨。

音義曰：宮名也，在雲陽縣東南三十里。息宜春。正義曰：宜春宮在雍州萬年西三十里。

西馳宣曲，濯鵠牛首。漢書音義曰：宣曲宮在昆明池西，牛首池各在上林苑西頭。登

龍臺。漢書音義曰：觀名，在豐水西北近渭。掩細柳。正義曰：觀名，在昆明南，柳市。觀士

大夫之勤略，鈞獠者之所得獲。徐廣曰：鈞，一作診也。觀徒車之

所躡，爍也。正義曰：躡，踐也。乘騎之所蹂若，人民之所蹈躡，

與其窮極倦飢。徐廣曰：音劇。驚憚，習伏不被劊刃而死者，

佗佗籍籍，填坑滿谷，揜平彌澤。於是乎游戲懈怠，置

酒乎昊天，之臺。索隱曰：臺，高上於皓天也。張樂乎輦輶之宇。索隱曰：言

曠遠，澹貌也。撞千石之鐘，立萬石之鉦，建翠華之旗，樹靈

鼉之鼓，奏陶唐氏之舞，聽葛天氏之歌。索隱曰：葛天氏，三皇時君

號也，其樂三人持牛尾投足以歌八闋。千人唱，萬人和，山陵爲之震動，

川谷爲之蕩波，巴榆宋蔡，淮南干遮。郭璞曰：巴西閬中有俞水，僚人

史記

卷一百一

司馬相如列傳

居其上皆剛勇好舞漢高募此以平三秦後使樂府習之因名巴俞舞也○索隱曰張揖云禮樂記云宋音宴女溺志蔡人誦員三人楚詞云吳文成顛歌索隱曰

揚慎曰謠淮南員四人于遮曲是其意也文成顛歌索隱曰謠淮南員四人于遮曲是其意也文成顛歌索隱曰謠淮南員四人于遮曲是其意也文成顛歌索隱曰

益州顛縣其人能作西南夷歌顛即滇字族舉進奏索隱曰益州顛縣其人能作西南夷歌顛即滇字族舉進奏索隱曰

徐廣曰舉金鼓迭起鏗鎗鎗磬洞心駭耳郭璞曰徐廣曰舉金鼓迭起鏗鎗鎗磬洞心駭耳郭璞曰

劉英鄭衛之聲韶護武象之樂陰淫案衍之音鄙邛郭璞曰劉英鄭衛之聲韶護武象之樂陰淫案衍之音鄙邛郭璞曰

激楚結風郭璞曰激楚歌曲也列女非優侏儒郭璞曰激楚結風郭璞曰激楚歌曲也列女非優侏儒郭璞曰

徐廣曰狄鞮地名所以娛耳曰而樂心意郭璞曰徐廣曰狄鞮地名所以娛耳曰而樂心意郭璞曰

於後索隱曰靡若夫青然索隱曰若夫青然索隱曰若夫青然索隱曰

如淳曰宓妃伏羲之女也索隱曰如淳曰宓妃伏羲之女也索隱曰

水遂為洛水之神索隱曰水遂為洛水之神索隱曰

妖冶嫺都索隱曰也索隱曰妖冶嫺都索隱曰也索隱曰

白黛柔撓索隱曰柔撓索隱曰柔撓索隱曰

獨鞠之偷索隱曰獨鞠之偷索隱曰

齒粲爛宜笑的索隱曰齒粲爛宜笑的索隱曰

璞曰鮮明貌也楚詞曰索隱曰璞曰鮮明貌也楚詞曰索隱曰

以媵又曰娥眉笑以索隱曰以媵又曰娥眉笑以索隱曰

貌索隱曰郭璞云連索隱曰貌索隱曰郭璞云連索隱曰

置分口人
樂厥倦過
則反理最
得其情

揖云彼色來授我，於是酒中樂，天子茫然而思，似

若有亾。曰嗟乎此泰奢侈，朕以聽餘閒無事，弃日

順天道以殺伐，時休息於此，恐後世靡麗遂往而不

反，非所以為繼嗣創業垂統也。於是乃解酒罷獵而

命有司曰：地可以墾辟，悉為農郊，以精明隸，噴糶真

漸，使山澤之民得至焉。實陂池而勿正義曰：實滿也。言人滿陂

池任采捕，虛宮觀而勿正義曰：但言滿也。言離宮

所取也。發倉廩以振貧窮，補不足，恤鰥寡，存孤獨，出德號

省刑罰，改制度，易服色，更正朔，與天下為治。於是歷

吉日以齊戒，襲朝衣，乘法駕，建華旗，鳴玉鸞，游乎六

藝之圃，鶯乎仁義之塗，覽觀春秋之林，射貍首兼騶

虞禮射義曰：天子以騶虞為節，諸侯以貍首為節。弋玄鶴，建于殿，載雲罕，拊

箏雅索隱曰：張揖云：罕，車也。前有玄箏，罕之車，說

雲罕駕馴不兼言九流，罕車與九流，亦別也。張揖曰：詩小雅之材，七十四人，大雅之材，三十一人，故云羣

雅也。悲伐檀索隱曰：其詩刺賢者不遇明主。樂樂胥索隱曰：言王者樂

位，脩容乎禮園，翔翺於書圃，述以道，以怪獸登月堂

坐清廟，恣羣臣奏得失，四海之內靡不受獲於斯之

時，天下大說，嚮風而聽，噤然興道而遷義

已記
卷一百一十一
十四

索隱曰漢書作刑錯而五帝乎三皇功羨於五

帝索隱曰若此故獵也君夫終日暴露馳嘒

勞神苦形罷車馬之索隱曰之精音九官反附

庫之財而無德也不顧衆庶忘也承

之政而貪雉也之也從此觀之也

之事豈不也而居九百是草木

不得也侯之細而樂萬也

之所修也是二子愀然改容

索隱曰若自夫也曰鄙人固陋不知

云愀變色貌

忌諱乃今日見教謹聞也奏天子以為郎無是

公言天子上林廣大山也小泉萬物及于虛言楚雲

夢所有甚衆侈也過其實且非義理所尚故刪取其

要歸正道而論也大顏云不取其夸奢靡麗

云刪取非謂刪其詞也說者謂相如為郎數歲會

此賦已經史家刪其意也索隱曰張揖云蒙故都陽

唐蒙使略通夜郎也中索隱曰張揖云蒙故都陽

發巴蜀吏卒千人也多為發轉漕萬餘人用興法

誅其渠帥漢書曰也也蜀民大驚恐上聞之乃使相

如責唐蒙因喻告巴蜀也以非上意檄曰告巴蜀太

王維積曰此子長史

筆新亦而非長卿自作傳明矣

王世貞曰長卿以賦

為文故難蜀封禪縣麗而少骨賈傳以文為賦故吊屈鵬鳥率

直而少致
揚慎曰得
告諭之休
裁以大意
令使者與
蜀民兩分
其責

楊慎曰不
順者已誅
北征匈奴
移師東指

之類是也
為善者未
賞南夷西
焚效貢職
爭時義者
是也此兩
句開微前
段意

史記

卷一百一十

三

守蠻夷自擅不討之日久矣時侵犯邊境勞士大夫
陛下即位存撫天下輯安中國然後興師出兵北征
匈奴單于怖駭交臂受事蒲滕請和康居西域重譯
請朝稽首來享移師東指闐越相誅右弔番禺太子
入朝索隱曰小顏云兩國相伐漢發兵救之南越蒙
天子德惠故遣太子入朝所以云弔爾非訓至
南夷之君西犛之長效貢職不敢怠墮延頸舉踵
喁喁然正義曰喁五恭
反口向土也皆爭歸義欲為臣妾道里遠
遠山川阻澗不能自致夫不順者已誅而為善者未
賞故遣中郎將往賓之索隱曰賈逵云賓伏也乎遠
曰賈說非也謂以賓見諸侯

之禮

接之發巴蜀士民各五百人以奉幣帛衛使者不然

靡有兵革之事戰鬪之患今聞其乃發軍與制驚懼

子弟憂患長老索隱曰張揖云發軍謂發三軍
之衆與制謂起軍法誅渠帥也郡又

擅為轉粟運輸皆非陛下之意也當行者或亡逃自

賊殺亦非人臣之節也夫邊郡之士聞烽舉燧燔漢書

音義曰烽如覆米簞縣箸枯棹頭有
寇則舉之燧積薪有寇則燔然之皆攝弓而馳索隱

曰攝音
女頰反荷兵而走流汗相屬唯恐居後觸白刃冒流

矢義不反顧許不旋踵人懷怒心如報私讎彼豈樂

歿惡生非編列之民而與巴蜀與主哉計深慮遠急

史記

卷一百一十

同馬相如列傳

三

國家之難而樂盡人臣之道也故有剖符之封析珪而爵。索隱曰如淳云析中分也位為通侯居列東第。索隱曰列甲第在帝城東故云東第也。終則遺顯號於後世傳土地於子孫行事甚忠敬居位甚安佚名聲流於無窮功烈著而不滅是以賢人君子肝腦塗地中無不辭也今奉幣役至南夷即言其亡逃抵誅身歿無名諡為至愚耻及父母為天下笑人之度量相越豈不遠哉然此非獨行者之罪也父兄之教不先子弟之率不謹也寡廉鮮恥而俗不長也其被刑戮不亦安

揚慎曰寡廉鮮恥而俗不長厚本似不切意者其中必有利漢弊而逃者難顯責之

意者其中必有利漢弊而逃者難顯責之

宜乎陛下患使者有司不肖思民之故遣信使曉喻百姓之事因數之以不忠亡之罪讓三老之誨之過方今田疇重煩百姓索隱曰重煩難也恐遠所谿谷山澤之民不徧聞檄到下使咸知陛下之意唯毋忽也如遠報唐蒙巴略通夜郎因通西南夷道發巴蜀廣漢卒者數萬人治道二歲道不成士卒多物故費以巨計。索隱曰案巨萬猶萬萬也蜀民及漢用事者多言其不便。案謂是時平筭之君長

索隱曰文穎云邛者今為邛都縣邛都縣聞南夷與漢通得

賞賜多多欲願為內臣妾謂吏比南夷索隱曰邛都縣

夷為比例也天子問相如相如曰邛笮冉駹者近蜀道亦

易通秦時嘗通為郡縣至漢興而罷今誠復通為置

郡縣愈於南夷索隱曰愈猶勝也晉灼曰南夷謂天

子以為然乃拜相如為中郎將建節往使副使王然

于壺克國召越人馳四乘之傳因已蜀吏幣物以賂

西夷至蜀蜀太手以下郊迎縣令負弩矢先驅索隱曰案

亭史名草故弩夫合是亭長負之蜀人以為寵索隱曰案

陽國志云蜀大城北十里有升仙橋送客觀相如於初八長安題其門云不乘赤車駟馬不過汝下也於

是卓王孫臨邛諸公皆因門下獻牛酒以交驩卓王

孫喟然而歎自以得使女尚司馬長卿晚索隱曰小

也配而厚分與其女財與男等同司馬長卿便略定西

夷邛笮冉駹斯偷之君皆請為內臣索隱曰張揖云

案今斯讀如字蓋部者舊傳謂之斯也除邊關關益

斥索隱曰西至沫若水索隱曰張揖云沫水出蜀

出旄牛徼外南至牂柯索隱曰張揖云徼寒也

通零關道徐廣曰越以通邛都

還報天子。天子大驚。遣使時。蜀長老多言通西南

夷不為用。唯大臣索隱曰。案業有然相如欲諫。業已建之不

敢索隱曰。案業有相如立此。事以由乃著書籍以蜀父老為

辭而已。詰難之且因宣其使指。令百姓知

天子之意。其有八載徐廣曰。元德茂

存乎六世正威武紛紜。湛恩汪濊

征隨流而攘索隱曰。案業有乎方外。於是乃命使西

馳定符存。叩略斯檢。舉小謀曰。服虔云。夷種

執還轅索隱曰。張揖云。姓鄉將報。至于蜀都。耆老

大夫薦紳先生之徒一人。儼然造焉。辭畢。因

進曰。蓋聞天子之也其義羈縻勿絕而已小

曰。言制四夷。如今一郡之士。通夜郎之塗。三年

於茲。而功不竟亦以明西夷易通。此相如微旨。士卒

勞倦萬民。不瞻。今又接以西夷。百姓力屈。恐不能卒

業。此亦使者之累。竊為左右患之。且夫邛笮西爨

之與中國。茲也。歷年茲一不可記已。仁者不以德來

疆者不以力并。意者其一不可乎。今割齊民以附夷

史已

此份曰此
高事雖不
類然正欲
以明非嘗

狄弊所恃以事無用。鄙人西陋。不識所謂。使者曰。烏謂此邪。必若所云。則是惡不變服。而巴不化俗也。余尚惡聞若說。索隱曰。張異云。惡聞若曹之言也。然斯事體大。固非觀者之所觀也。余之行急。其詳不可得聞已。請為大夫。巖陳其略。蓋世必有非嘗之人。然後有非嘗之事。有非嘗之事。然後有非嘗之功。非嘗者。固嘗之所異也。索隱曰。案嘗人見之以為異也。故曰。非嘗之原。黎民懼焉。及臻厥成。天下晏如也。昔者鴻水淳出。汜濫衍溢。民人登降。移徙。倚輻而不安。夏后氏戚之。乃堙鴻水。決江疏河。漚

沈膽苗

徐廣曰。漚一作漚。○索隱曰。漚分也。漚安也。

東歸之於海。而天下

永寧。當斯之勤。豈唯民哉。

索隱曰。案謂非獨人勤。禹亦親其勞也。心煩

於慮。而身親其勞。躬胝無腴。膚不生毛。

索隱曰。莊子云。禹胼無腴。

歷不生毛。李願云。腹白肉也。

故休烈顯乎無窮。聲稱浹乎于茲。且

夫賢君之踐位也。豈特委瑣握

索隱曰。孔文祥云。委瑣細碎。握礙局

也。促拘文牽俗。循誦習傳。當世取說云爾哉。必將崇論

閎議。創業垂統。為萬世規。故施騫乎兼容。并包而勤

思。乎參天貳地。且詩不云乎。普天之下。莫匪王土。率

土之濱。莫非王臣。

毛詩傳曰。濱。涯也。

是以六合之內。八方之

外浸濤衍溢。索隱曰：索濤，濤猶漸浸也。懷生之物有不浸潤於澤

者，賢君恥之。今封疆之冠帶之倫，咸獲嘉祉，靡有

闕遺矣。而夷狄畿甸之國，遠絕異黨之地，舟輿不通

人迹，罕至，政教不能流，風猶微。內之則犯義侵禮，於

邊境外之則邪惡，云云，弑其上。君臣易位，尊卑失

序，父兄不辜，幼穉無辜，罔繫號泣。內嚮而怨曰：益聞

中國有至仁焉，德澤無疆，物靡不得其所。今獨曷

為遺已，舉踵思慕，若雲若霧，望雨溢大為之垂涕。

曰：張揖云：狼戾之夫也。况乎上聖，已哉！北出師以討之。

胡南馳使以請，勁越四面，德二方之。胡集仰流

索隱曰：二方謂西夷、八願得受號者，以德討政也。

沫若。漢書音義曰：以沫若水為關。望洋荆鏤零山，梁孫原創道德

之塗，垂仁義之統，將博恩廣施，遠撫長智，使疏遠不

閉。索隱曰：不阻深，闇昧得耀乎光明，以假甲兵於此。

而息誅伐於彼，遐邇一體中外，提福徐廣曰：提，作提音支。不亦

康乎！夫拯民於沈溺，奉至尊之休德，反衰世之陵遲，

繼周氏之絕業，斯乃天子之急務也。百姓雖勞，又惡

可以已哉！且夫王事固未有不始於憂勤而終於佚

重份曰：相如之文中，而有賦休。

余有丁曰
此封禪道
書所錄作
也
楊慎曰
明羅者之
喻所以言
非舊固非
苦情之所
度也

史記

卷一百一十七

三

樂者也。然則受命之符，合在於此矣。索隱曰：漢書云：合在於夏，勤失

樂之。中也。方將增泰山之封，加梁父之事，鳴和鸞，揚樂，

上咸五，下登三。徐廣曰：咸一作函。與案章昭曰：咸同於五。節登三王之上。觀者未

睹，指聽者未聞音，猶鷦明已翔乎寥廓，而羅者猶視

乎數澤。悲夫！於是諸大夫芒然喪其所懷來，而失厥

所以進，喟然竝稱曰：允哉漢德！此鄙人之所願聞也。

百姓雖急，請以身先之。敞罔靡徙，因遷延而辭避。索

曰：案敞罔失容也。靡徙，失正也。其後人有上書言相如使時受金失

官，居歲餘復召為郎。相如口吃，而善著書，嘗有消渴

疾，與卓氏婚，饒於財。其進仕宦，未嘗肯與公卿國家

之事，稱病閒居，不慕官爵。字龍曰：長卿蓋智者。嘗從

上至長楊獵。正義曰：長楊宮在雍州。蓋屋縣東南二里。是時天子方好自

擊熊羆，馳逐野獸，相如上疏諫之。其辭曰：臣聞物有

同類而殊能者，故力稱烏獲，捷言慶忌，勇期賁育。正義

曰：賁，古之勇士。夏育，亦古之猛士也。臣之愚竊以為人誠有之，獸亦宜

然。今陛下好陵阻險，射猛獸，卒然遇軼材之獸，駭不

存之地。索隱曰：謂所不慮也。犯觸車之清塵，輿不及還

轅，人不暇施巧，雖有烏獲逢蒙之伎，力不得用。吳越春秋

重份曰見
獸亦有方
絕群類者
不可輕犯

史記

卷一百一十七

三

日羿傳射於逢蒙

枯木朽株盡害矣。是胡越起於鼓下而

羌夷接軫也。豈不殆哉。雖萬全無患。然本矣。天子之

所宜近也。且夫清道而後行。中路而後馳。猶時有銜

楛之變。索隱曰。張揖云。銜。馬勒銜也。楛。馳馬口長而銜也。隨。銜也。云無銜。楛而禦。捍馬是也。而

况涉乎蓬蒿。馳乎丘墳。前有利獸之樂。而內無存變

之意。其為禍也。亦難矣。夫輕萬乘之重。不以為安

而樂出於萬有一危之塗。以為娛。臣竊為陛下不

也。蓋明者遠見於未萌。而智者避危於無形。禍因

藏於隱微。而發於人之所忽也。故鄙諺曰。家無

金。坐不垂堂。索隱曰。張揖云。此言雖小。可以喻大。

願陛下之留意幸察。上善之。還過宜春宮。正義曰。宜春宮。在長安中。

相如奏賦以哀二世。行失也。其辭曰。春

坡池之長阪兮。索隱曰。阪。普何反。池。走何反。空入曾宮之差戾。

音義曰。空。並也。臨。臨江之隘。州。空。索隱曰。隘。音所。隘。音所。字謂曲。

之曲。江在杜陵西北五里。望南山之參差。巖巖溪山

之。窅窅兮。索隱曰。晉灼曰。窅。音曠。古龍字。蕭該云。窅。或作窅。長大貌也。通谷。窅兮

給。窅兮。索隱曰。給。音呼。反。窅。音呼。加反。汨。滅。翯。習。以。永。逝。兮。索隱曰。汨。音許。及反。

注。平。臯。之。廣。衍。觀。衆。樹。之。塢。夔。兮。索隱曰。翯。音許。及反。

曰愛音愛 覽竹林之榛榛東馳土山兮北揭石瀨謂隱也

曰說文云瀨水流沙上也 彌節容與兮索隱曰容與游戲貌也 歷平二世持

身不謹兮亡國失勢信讒不寤兮宗廟滅絕嗚呼哀

哉操行之不得兮墳墓蕪穢而不修兮魂無歸而不

食復邈絕而不齊兮彌久遠而愈休精罔閱而飛揚

兮拾九天而永逝嗚呼哀哉乎遠曰此賦奏之天子

有其美也 相如拜為孝文園令索隱曰百官志云陵園令

天子既美子虛之事相如見上好僊道因曰上林之

事未足美也尚有靡者臣嘗為大人賦索隱曰張揖云大人喻天

子未就請具而奏之子龍曰大人賦先具其後乃

于虛上林固非一時所成也 相如以為列僊之傳居山澤間索隱曰

傳者謂相傳以列仙居山澤間 形容甚臞徐廣曰臞瘦也 此非帝王之僊意

也乃遂就大人賦其辭曰世有大人兮在于中州宅

彌萬里兮曾不足以少留悲世俗之迫隘兮揭輕輿

而遠遊索隱曰如淳云武帝云誠得如黃帝 垂絳幡

之素蜺兮載雲氣而上浮建格澤之長竿兮總光耀

之采旄漢書音義曰格澤之氣如炎火狀以此氣為

葆者垂旬始以為慘兮摠彗星而為鬚 漢書音義曰旬始氣如筆

史記

卷一百一

三

這份曰傳居者移易而居也

康海曰古人作文皆

有依故司馬遷大

人賦全用屬字是遊

中語按格澤句始俱氣之狀也

史記

三

史記 卷一百一十七 馬相如列傳

於葆下以為旒也。鬚燕尾也。掉指橋以偃蹇兮。又旖

旒以招搖。漢書音義曰：指橋，隨風也。攬撓，捨以為旌

兮。正義曰：天攬天。靡屈虹而為網。漢書音義曰：網，斷

之紅。杳渺以眩潛兮。焱風涌而雲浮。漢書音義曰：句

杳，眇眩，潛闇，冥無光也。駕應龍象變之。夔略透麗兮。

折隆窮。索隱曰：張揖曰：據直項也。騶騶縱恣。以連

索隱曰：蠖龍之形也。沛艾赴蟻。乞以怡儼兮。漢

音義曰：赴，蟻，申頸低仰也。乞，不前也。索隱曰：赴音

居，勿反。蟻音許救反。乞舉頭也。乞音蓋乙反。怡音劫

吏反。儼音放散。岬岸驥以勇頰。索隱曰：服也。馬

注云：兩服上驥是也。踉蹌鞞容以秀鬣兮。綢繆偃蹇林

奕以梁倚。索隱曰：張揖曰：踉蹌疾行。互前却也。鞞，鞞

音轄音過。鞞音曷。蠲音及。張揖曰：偃蹇，却器也。

廣雅曰：偃蹇，天矯也。白奕音答。畧反。相如傳云：修

奕，袂也。糾蓼叫募。艘路兮。索隱曰：蓼音了。募，

叫募，高舉之貌。踏音。反。艘音屈。茂蒙踊躍騰而

狂。漢書音義曰：茂，蒙飛揚也。趨走。以升翕。縹至。電過兮。煥然霧

除。霍然雲消。邪絕少。喙而登太陰兮。與真人乎相求。

漢書音義曰：少陽東極，太陰北極，邪度東極而升北極者也。互折窮窕以右轉兮。

王維補曰：應龍以下，是形容龍之變態。若不及其實，不過五句而每句數意，此誠之變態，亦得意在。

史記 卷一百一十七 馬相如列傳

橫厲飛泉以正東。正義曰厲渡也張云飛泉谷在崑崙山西南悉徵靈園

而選之兮。部乘衆神於瑤光。漢書音義曰瑤光北斗星第一星使五

帝先導兮。正義曰五帝五時反太一而從陵陽。漢書音義曰

日仙人陵陽子明也左玄冥而右含靈兮。漢書音義曰含靈天上造化神名

也或曰前陸離而後滂滂。漢書音義曰皆神名斯征北僑。索隱曰應

劭曰廝役也張揖曰王子喬也漢書郊祀志作正伯僑此當是別人恐非王子喬也而役羨門

兮。正義曰張云羨門碣石山上仙人羨門高也屬岐伯使尚方。漢書音義曰岐伯黃

帝太醫屬祝融驚而蹕御兮。正義曰祝融南方炎帝之佐也警蹕清氛氣也

清雰氣而後行。屯余車其萬乘兮。絳雲葢而嵩華焚

索隱曰如淳云蓋有五綵也使勾芒其將行兮。正義曰勾芒東方

領從者也吾欲往乎南嶷。歷唐堯於崇山兮。過虞舜於九

疑。正義曰崇山狄山也帝堯葬其陽紛湛湛其差錯

兮。索隱曰湛九疑山零陵營道縣舜所葬處紛湛湛其差錯

音徒感反雜遝膠葛以方馳。索隱曰廣雅云駮膠葛駮馳也騷擾

衝從其相紛拏兮。索隱曰衝音昌勇滂滂泱泱。灑以

林離。鑽羅列聚。叢以龍茸兮。衍曼流瀾。壇以陸

音坦徑入霑室之砢磷。鬱律兮。洞出鬼谷之窟窟。鬼

壤漢書音義曰鬼谷在北辰下衆鬼之所聚也○正

張云窟窟鬼壤不平也徧覽八紘而觀四荒兮。竭凌九江而越

水二可為相和則壽

索

五河。正義曰：顏云：五色之河也。經營炎火而浮弱水。

兮。正義曰：大荒西經云：崑崙之岳，其外有炎火之杭。山投物輒物然，弱水在其州。張掖縣南山下也。

絕浮渚而涉流沙。漢書音義曰：總極蔥嶺山也。在西域中也。奄息總極。汜

濫水嬉兮。使靈媧鼓簧而舞馮夷。漢書音義曰：靈媧女媧也。馮夷，河伯

也。時若菱菱將混濁兮。白屏翳正義曰：屏翳，天師使也。誅風伯。

伯字飛廉而刑雨師。正義曰：沙州西望崑崙之軌。正

也。張云：海內經云：崑崙去中國五萬里。天帝之下也。

泐洗忽兮。直徑馳乎三危也。正義曰：三危，山名。在肅州酒泉也。

兮。正義曰：閭闔，天門也。載玉女而與之歸。正義曰：玉女，青丘之

風而搖集兮。正義曰：閭闔，風在崑崙閭闔之中。亢鳥騰而一止。正義曰：亢

然高飛如鳥之騰也。低回陰山翔以紆曲兮。正義曰：陰山在大

吾乃今日睹西王母。矐然白首。徐廣曰：矐音下沃反。○正義曰：張云

西王母其狀如人。豹尾虎齒，蓬鬢矐然白首。石城金

穴居其中。○子龍曰：武帝有慕。周穆瑤池之事。此

相如之所為。諷也。楊子雲：戰勝而穴處兮。正義曰：顏

其泉玉女必如之。言本此。亦幸有三足鳥為之使。正義曰：義云：三

謂之華勝也。為西王母取食。必長生若此而不死兮。雖濟萬世不

足以喜。回車竭來兮。絕道不周。漢書音義曰：不周，會

食幽都。呼吸沆瀣。殮朝霞兮。噍咀芝英兮。噤瓊華。漢書

王維慎曰
自茲颯卉
今受延淫
西王母數
語是也

史記

卷一百一

五

日。噤音祈。小食也。駟。索韋昭曰。瓊華玉英。媼。侵溽而高縱兮。紛湯涌而上。

厲。徐廣曰。貫列缺之倒景兮。涉豐隆之滂沱。書音

缺。天門也。倒景。日在下。馳游道而修降兮。正義曰。滂沱。正義曰。豐崇雲師也。馳。遊道也。道車也。修。長也。降。下也。

出乎北垠。遺屯騎于玄闕兮。軼先驅于寒門。漢書音

關。北極之山。下。崢嶸而無地兮。上。寥廓而無天。觀眩

眩而無見兮。聽愴恍而無聞。乘虛無而上假兮。超無

友而獨存。子龍曰。數語蓋言至道。相如既奏大人之

頌。天子大說。飄飄有凌雲之氣。似游天地之間。意相

如。既病免。家居茂陵。天子曰。司馬相如病甚。可往從

悉取其書。若不然。後失之矣。使所忠往。漢書有諱大

而相如已歿。家無書。問其妻。對曰。長卿固未嘗有書

也。時時著書。人又取去。即空居。長卿未歿時。為一卷

書。曰。有使者來求書。奏之。無他書。其遺札書言封禪

事。子龍曰。相如既歿。何所求而獻。諫。蓋漢初儒者。實

不爾。萬一武帝不取。奏所忠。忠奏其書。天子異之。其

書曰。伊上古之初肇。自吳穹兮。生民歷。撰列辟以迄

于秦。徐廣曰。撰。一作選。率邇者踵武。徐廣曰。率。循也。邇。近也。

武。迹也。循。省近世之遺

也。

也。

也。

董份曰。前
言大人賦
此乃言大
人頌蓋此

試專頌大
人也。

史記

卷一百一十七 司馬相如列傳

三

按言風聲見其遠也注風雅之聲

迹。逖聽者風聲。徐廣曰：逖，遠也。聽，察遠古之風聲。○索隱曰：風聲，風雅之聲。紛綸

葳蕤堙滅而不稱者，不可勝數也。索隱曰：葳蕤，委頓也。紛，及也。

續昭夏崇號謚，略可道者七十有二君。漢書音義曰：昭，明也。夏，大也。

德明大相繼封禪者，太山者七十有二人。若淑而不昌，疇逆失而能

存。徐廣曰：軒轅之前，若順也。軒轅之前，邈乎其詳不可得聞也。五

三六經載籍之傳，維觀也。索隱曰：五，五帝也。三，三王也。書曰

元首明哉，股肱良哉。以談君莫盛於唐堯。乎遠曰：劉

氏堯之後也。故封禪推本於此。臣莫賢於后稷。后稷創業於唐，公劉

發迹於西戎，文王改制爰周，邅隆也。索隱曰：爰，於也。邅，及也。邅，大

行越成。索隱曰：應劭云：大行，謂以言道德大行也。而後陵夷衰微，千載無

聲。徐廣曰：周之王四海，千載之後，聲教乃絕。豈不善始善終哉！然無異端

慎所繇於前，謹遺教於後耳。故軌迹夷易，易遵也。湛

恩濛涌，易豐也。憲度著明，易則也。垂統理順，易繼也。

是以業隆於緇祿，而崇冠于二后。漢書音義曰：緇，祿也。謂成王也。二后，謂

文武也。揆厥所元，終都攸卒。漢書音義曰：都，於也。未有殊尤絕

迹，可考于今者也。然猶躡梁父，登泰山，建顯號，施尊

名，大漢之德，羹涌原泉。韋昭曰：漢德，羹涌如泉原也。泐瀉漫衍，旁

魄四塞，雲專霧散。徐廣曰：專音布。上暢九垓，下徐廣曰：暢

如也矣。封神文復何所希哉！不過胸中有此一篇好文字，遇好文知己之至，不能自忍耳。文士習氣，以文取禍，尚不辭何暇論及身後之寵哉。

史記 卷一百一十七 同馬相如 臣

達垓重也。懷生之類。霑濡浸潤。協氣橫流。武節飄逝。

灑流也。漢書音義曰：灑，近原本也。遠者浮其沫。首惡湮沒，闇昧昭哲。

皆化。昆蟲凱澤，回首面內。然後固騶虞之

珍羣。徼麋鹿之怪獸。漢書音義曰：徼，避也。麋鹿，

莖六穗於庖。徐廣曰：導瑞禾也。駟案漢書音義曰：謂

鄭德云：犧雙觝共抵之獸。漢書音義曰：犧，牲也。觝，兩

角共一本，因獲周餘珍，收龜于岐。徐廣曰：一作及龜

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

也。岐水名也。招翠黃乘龍於沼。漢書音義曰：翠黃乘

史記

卷一百一十七

司馬相如列傳

三

與二休烈浹洽符瑞眾變期應紹至不特創見意隱曰文

穎云不獨一物初創見也意者泰山梁父設壇場望幸蓋號以况

榮索隱曰案本或作望華蓋華蓋星名今言望聖帝之臨幸也義亦兩通而孟康服虔注本皆幸下有

華字而虞擘流別集則唯云幸幸當是也於義亦通大顏云蓋欲也言欲立號受天之况賜榮名也於義

為上帝垂恩儲祉將以薦成徐廣曰以衆瑞物初至封禪處薦之上天告成

功陛下謙讓而弗發也挈三神之騶韋昭曰挈缺也三神上帝泰山

梁父也○索隱曰三神如淳謂地祇天神山嶽也與韋不同

焉或謂且天為質闇珍符固不可辭漢書音義曰言天道質昧以符

瑞見意不可辭懷也若然辭之是泰山靡記而梁父靡幾也索

曰案幾亦各竝時而榮成濟世而屈音義曰

王但作一時之說者尚何稱於後徐廣曰若無封禪之遺迹則榮盡於

當時至於歷世而云七十二君平夫修德以功符奉

符以行事不為進越索隱曰文穎云越故聖王弗

替而修禮地祇謁款天神漢書音義曰款誠也謁告之報誠也勒功中

獄以彰至尊舒盛德發號榮受厚福以浸黎民也皇

皇哉斯事天下之壯觀王者之不業不可訾也願陛

下全之而後因雜薦紳先生之略術使黃耀日月之

末光絕炎以展承錯事徐廣曰錯音厝劉宗漢音音義曰承官也使諸儒記功著

揚慎曰聖王弗替而下勒之也雜薦紳先生而下明之也

按文類
云六經
增一為
也

業得觀日月未光殊絕之用以
猶兼正列其義校飭

厥文作春秋一藝漢書音義曰春秋者正天時列人

列人事敘述大義為一經將襲舊六為七韋昭曰今漢書增摠之

無窮索隱曰廣雅俾萬世得激清流揚徽波蜚英聲

騰茂實前聖之所以永保鴻名而嘗為稱首者用此

索隱曰案謂宜命掌故悉奏其義而覽焉漢書音義

用此封禪也於是天子沛然改容曰愉乎朕其試哉乃

遷思回慮總公卿之議詢封禪之事詩六澤之博廣

符瑞之富漢書音義曰詩歌詠功乃作頌曰自我天

覆雲之油油漢書音義曰甘露時雨厥壤可游滋液

滲漉何生不育索隱曰案說文云滲嘉穀六穗我穡

曷蓄非唯雨之又潤澤之非唯濡之徐廣

布字作專○索隱萬物熙熙懷而慕思曰胡廣云汜普也名山顯位望

君之來韋昭曰各山大山君乎君乎侯不邁哉索隱

也邁行也般般之獸樂我君囿索隱曰音班胡曰質

黑章其儀可嘉眈眈睦睦君子之能徐廣曰收音是

態駟案漢書音義曰是相蓋聞其聲今觀其來厥塗

靡蹤天瑞之徵徐廣曰其所來路非有迹茲亦於舜

已巳

卷一百一十一 可馬相如列傳

虞氏以興。索隱曰：文穎云：舜百歲而濯澤之麟游彼

靈時。漢書音義曰：武帝祠五孟冬十月，君徂郊祀，馳

我君與帝以享祉。三代之前，蓋未嘗有死，死黃龍與

德而升。索隱曰：胡廣云：死，死，屈伸也。水色炫耀，燿燿輝煌。徐廣曰：燿音晃。

輝音。正陽顯見，覺寤黎烝。索隱曰：文穎云：正陽，陽於

傳載之云：受命所乘。索隱曰：如淳云：書傳所載，揆其

見之於成紀，故厥之有草，不必諄諄。漢書音義曰：天

瑞章明其德，不必依頰，託寓論以封禪。漢書音義曰：

也。言依事類託寓論以封禪者，披藝觀之，天人之際，以文上下。

允荅聖王之德，兢兢翼翼也。故曰：興必慮衰，安必思

危。是以湯武至尊嚴，不失肅祇，舜在假典，顛省厥遺

此之謂也。徐廣曰：假，大也。司馬相如既卒。徐廣曰：元五歲，大

子始祭后土。八年而遂先禮中嶽。正義曰：嵩高也。封于太山

至梁父，禪肅然，相如他所著。若遺平陵侯書。徐廣曰：蘇建也。

與五公子相難，草木書篇不采，采其尤著。公卿者云

太史公曰：春秋推見至隱。韋昭曰：推見事至于隱，諱

之屬，易本隱之以顯。韋昭曰：易本隱微，妙大雅言王

公大人而德逮黎庶。韋昭曰：先言王公大人小雅譏

列馬相如列傳

倪思曰：假
俗也。謂其
祀天有興
猶恐有所
闕遺也。其
殆以納于
大麓亦封
禪者乎。

周密曰：司
馬相如傳
贊乃班固
所自為。而
史記乃全
載其語。而

作太史公曰何邪又

遷在武帝時雄生漢

未安得為楊雄以爲

靡麗之賦勸百而賦

一哉然則相如之贊

亦後人勸人而談以

爲太史公無疑

小已之得失其流及上。韋昭曰小雅云人亦狹小先道已之憂苦其流乃及上政

之得失者所以言雖外殊其合德一也相如多虛辭濫

說然其要歸引之節儉此與詩之風諫何異揚雄以

爲靡麗之賦勸百風一猶馳騁鄭衛之聲曲終而奏

雅不出於乎余采其語可論者著于篇李遠曰此贊非太史公不

後人勸人而談以爲太史公無疑

述贊曰相如縱誕竊賞卓氏其學無方其才

子虛過吒上林非後駟馬還印百金缺伎惜

文悼爾禪遺

史記卷之一百十七 終

安政丙辰

